

ओं नमः परमात्मने, श्री महागणपतये नमः

श्री गुरुभ्यो नमः

हरिः ओं
--

कृष्ण यजुर्वेदिय तैत्तिरीय संहिता क्रम पाठः

प्रथम काण्डे, षष्ठः प्रश्नः

Table of Contents

1 कृष्ण यजुर्वेदिय तैत्तिरीय संहिता क्रम पाठः	3
1.6 प्रथम काण्डे षष्ठः प्रश्नः – याजमानकाण्डं	3

=====

ओं नमः परमात्मने, श्री महागणपतये नमः

श्री गुरुभ्यो नमः, हरिः ओं

1 कृष्ण यजुर्वेदिय तैत्तिरीय संहिता क्रम पाठः

1.6 प्रथम काण्डे षष्ठः प्रश्नः – याजमानकाण्डं

T.S.1.6.1.1 - Kramam

सम् त्वा॑ । त्वा॑ सि॒ञ्चामि॑ । सि॒ञ्चामि॑ यजु॑षा । यजु॑षा प्र॒जाम् ।
प्र॒जामायुः॑ । प्र॒जामिति॑ प्र – जा॒म् । आयु॑र् धन॒म् । धन॒म् च ।
चेति॑ च ॥ बृ॒हस्पति॑प्रसू॒तो यज॑मानः । बृ॒हस्पति॑प्रसू॒त इति॑
बृ॒हस्पति॑ – प्रसू॒तः । यज॑मान इ॒ह । इ॒ह मा । मा रि॑षत् । रि॒षदि॑ति
रि॒षत् ॥ आ॒ज्यम॑सि । अ॒सि स॒त्यम् । स॒त्यम॑सि । अ॒सि स॒त्यस्य॑ ।
स॒त्यस्या॑द्ध्यक्ष॒म् । अ॒द्ध्यक्ष॑म॒सि । अ॒द्ध्यक्ष॑मित्य॒धि – अ॒क्षम् ।
अ॒सि ह॒विः । ह॒विर॑सि । अ॒सि वै॒श्वान॑रम् । वै॒श्वान॑रं वै॒श्वदे॑वम् ।
वै॒श्वदे॑व मु॒त्पूत॑शुष्मम् । वै॒श्वदे॑वमिति॑ वै॒श्व – दे॒वम् । उ॒त्पूत॑शुष्मं
स॒त्यौजाः॑ । उ॒त्पूत॑शुष्ममित्यु॒त्पूत – शु॒ष्मम् । स॒त्यौजाः॑ स॒हः ।
स॒त्यौजा॑ इति॑ स॒त्य – ओ॒जाः । स॒हो॒ऽसि॑ । अ॒सि स॒हमा॑नम् ।

स॒ह॒मा॒न॒म॒सि॒ । अ॒सि॒ स॒ह॒स्व॒ । स॒ह॒स्वा॒रा॒तीः॒ । अ॒रा॒तीः॒ स॒ह॒स्व॒ ।
 स॒ह॒स्वा॒रा॒ती॒य॒तः॒ । अ॒रा॒ती॒य॒तः॒ स॒ह॒स्व॒ । स॒ह॒स्व॒ पृ॒त॒नाः॒ ।
 पृ॒त॒नाः॒ स॒ह॒स्व॒ । स॒ह॒स्व॒ पृ॒त॒न्य॒तः॒ । पृ॒त॒न्य॒त इति॑ पृ॒त॒न्य॒तः॒ ॥
 स॒ह॒स्र॒वी॒र्य॒म॒सि॒ । स॒ह॒स्र॒वी॒र्य॒मि॒ति॒ स॒ह॒स्र॒ - वी॒र्य॒म् । अ॒सि॒ तत् ।
 त॒न्मा॒ ॥ मा॒ जि॒न्व॒ । जि॒न्वा॒ज्य॒स्य॒ । आ॒ज्य॒स्या॒ज्य॒म् । आ॒ज्य॒म॒सि॒ ।
 अ॒सि॒ स॒त्य॒स्य॒ । स॒त्य॒स्य॒ स॒त्य॒म् । स॒त्य॒म॒सि॒ । अ॒सि॒ स॒त्या॒युः॒ ।
 स॒त्या॒यु॒र॒सि॒ । स॒त्या॒यु॒रि॒ति॒ स॒त्य॒ - आ॒युः॒ । १ (50/58)

T.S.1.6.1.2 - Kramam

अ॒सि॒ स॒त्य॒शु॒ष्म॒म् । स॒त्य॒शु॒ष्म॒म॒सि॒ । स॒त्य॒शु॒ष्म॒मि॒ति॒ स॒त्य॒-शु॒ष्म॒म् ।
 अ॒सि॒ स॒त्ये॒न॒ । स॒त्ये॒न॒ त्वा॒ । त्वा॒ऽभि॒ । अ॒भि॒ घा॒र॒या॒मि॒ । घा॒र॒या॒मि॒
 त॒स्य॒ । त॒स्य॒ ते॒ । ते॒ भ॒क्षी॒य॒ । भ॒क्षी॒य॒ प॒ञ्चा॒नाम्॒ । प॒ञ्चा॒नाम्॒ त्वा॒ ।
 त्वा॒ वा॒ता॒नाम्॒ । वा॒ता॒नां॑ य॒न्त्राय॑ । य॒न्त्राय॑ ध॒र्त्राय॑ । ध॒र्त्राय॑ गृ॒ह्णामि॑ ।
 गृ॒ह्णामि॑ प॒ञ्चा॒नाम्॒ । प॒ञ्चा॒नाम्॒ त्वा॒ । त्व॒र्तू॒नाम्॒ । ऋ॒तू॒नां॑ य॒न्त्राय॑ ।
 य॒न्त्राय॑ ध॒र्त्राय॑ । ध॒र्त्राय॑ गृ॒ह्णामि॑ । गृ॒ह्णामि॑ प॒ञ्चा॒नाम्॒ ।
 प॒ञ्चा॒नाम्॒ त्वा॒ । त्वा॒ दि॒शाम्॒ । दि॒शां॑ य॒न्त्राय॑ । य॒न्त्राय॑ ध॒र्त्राय॑ ।

ध॒त्राय॑ गृ॒ह्णामि॑ । गृ॒ह्णामि॑ प॒ञ्चानाम्॑ । प॒ञ्चानाम्॑ त्वा॑ ।
 त्वा॑ प॒ञ्चज॑नानाम् । प॒ञ्चज॑नानां य॒न्त्राय॑ । प॒ञ्चज॑नानामिति॑
 प॒ञ्च-ज॑नानाम् । य॒न्त्राय॑ ध॒त्राय॑ । ध॒त्राय॑ गृ॒ह्णामि॑ । गृ॒ह्णामि॑ च॒रोः ।
 च॒रोस्त्वा॑ । त्वा॑ प॒ञ्चबि॑लस्य । प॒ञ्चबि॑लस्य य॒न्त्राय॑ ।
 प॒ञ्चबि॑लस्येति॑ प॒ञ्च - बि॑लस्य । य॒न्त्राय॑ ध॒त्राय॑ । ध॒त्राय॑ गृ॒ह्णामि॑ ।
 गृ॒ह्णामि॑ ब्र॒ह्मणः॑ । ब्र॒ह्मणस्त्वा॑ । त्वा॑ ते॒जसे॑ । ते॒जसे॑ य॒न्त्राय॑ ।
 य॒न्त्राय॑ ध॒त्राय॑ । ध॒त्राय॑ गृ॒ह्णामि॑ । गृ॒ह्णामि॑ क्ष॒त्रस्य॑ । क्ष॒त्रस्य॑ त्वा॑ ।
 त्वौ॒जसे॑ । औ॒जसे॑ य॒न्त्राय॑ () । य॒न्त्राय॑ ध॒त्राय॑ । 2 (50/53)

T.S.1.6.1.3 - Kramam

ध॒त्राय॑ गृ॒ह्णामि॑ । गृ॒ह्णामि॑ वि॒शे॑ । वि॒शे॑ त्वा॑ । त्वा॑ य॒न्त्राय॑ । य॒न्त्राय॑
 ध॒त्राय॑ । ध॒त्राय॑ गृ॒ह्णामि॑ । गृ॒ह्णामि॑ सु॒वीर्या॑य । सु॒वीर्या॑य त्वा॑ ।
 सु॒वीर्या॑येति॑ सु - वी॒र्या॑य । त्वा॑ गृ॒ह्णामि॑ । गृ॒ह्णामि॑ सु॒प्रजा॑स्त्वाय॑ ।
 सु॒प्रजा॑स्त्वाय॑ त्वा॑ । सु॒प्रजा॑स्त्वायेति॑ सु॒प्रजाः-त्वा॑य । त्वा॑ गृ॒ह्णामि॑ ।
 गृ॒ह्णामि॑ रा॒यः । रा॒यस्पो॑षाय॑ । पो॑षाय॑ त्वा॑ । त्वा॑ गृ॒ह्णामि॑ । गृ॒ह्णामि॑
 ब्र॒ह्मव॑र्चसाय॑ । ब्र॒ह्मव॑र्चसाय॑ त्वा॑ । ब्र॒ह्मव॑र्चसायेति॑ ब्र॒ह्म-व॑र्चसाय॑ ।

त्वा॒ गृ॒ह्णामि॑ । गृ॒ह्णामि॑ भूः । भूर॑स्माक॑म् । अ॒स्माक॑ꣳ ह॒विः ।
ह॒विर् दे॒वाना॑म् । दे॒वाना॑माशिषः । आशिषो॑ यज॑मानस्य ।
आशिष॑ इत्या॑ – शिषः । यज॑मानस्य दे॒वाना॑म् । दे॒वाना॑म् त्वा ।
त्वा दे॒वता॑भ्यः । दे॒वता॑भ्यो गृ॒ह्णामि॑ । गृ॒ह्णामि॑ कामा॑य । कामा॑य त्वा ।
त्वा गृ॒ह्णामि॑ । गृ॒ह्णामीति॑ गृ॒ह्णामि॑ ॥ 3 (33/37)

(सत्यायु-रोजसो यन्त्राय-त्रयस्त्रिंशच्च) (A1)

T.S.1.6.2.1 - Kramam

ध्रु॒वोऽसि॑ । अ॒सि ध्रु॒वः । ध्रु॒वोऽह॑म् । अ॒हꣳ स॒जाते॑षु । स॒जाते॑षु
भूया॑सम् । स॒जाते॑ष्विति॑ स – जा॒तेषु॑ । भूया॑सम् धी॒रः । धी॒रश्चेत्ता॑ ।
चेत्ता॑ वसु॒वित् । वसु॒विदु॒ग्रः । वसु॒विदि॑ति वसु – वि॒त् । उ॒ग्रोऽसि॑ ।
अ॒स्यु॒ग्रः । उ॒ग्रोऽह॑म् । अ॒हꣳ स॒जाते॑षु । स॒जाते॑षु भूया॑सम् ।
स॒जाते॑ष्विति॑ स-जा॒तेषु॑ । भूया॑समु॒ग्रः । उ॒ग्रश्चेत्ता॑ । चेत्ता॑ वसु॒वित् ।
वसु॒विद॑भिभूः । वसु॒विदि॑ति वसु – वि॒त् । अ॒भिभू॑रसि ।
अ॒भिभू॑रित्य॒भि – भूः । अ॒स्य॒भिभूः॑ । अ॒भिभू॑रहम् ।
अ॒भिभू॑रित्य॒भि – भूः । अ॒हꣳ स॒जाते॑षु । स॒जाते॑षु भूया॑सम् ।
स॒जाते॑ष्विति॑ स – जा॒तेषु॑ । भूया॑सम॒भिभूः॑ । अ॒भिभू॑श्चेत्ता॑ ।

अ॒भि॒भू॒रित्य॑भि – भूः । चे॒त्ता व॑सु॒वित् । व॒सु॒विद् यु॒नज्मि॑ ।
व॒सु॒विदि॑ति व॒सु – वि॒त् । यु॒नज्मि॑ त्वा । त्वा ब्र॒ह्म॒णा ।
ब्र॒ह्म॒णा दै॒व्येन॑ । दै॒व्येन॑ ह॒व्याय॑ । ह॒व्याया॑स्मै । अ॒स्मै वो॒ढवे॑ ।
वो॒ढवे॑ जा॒तवे॑दः । जा॒तवे॑द इति॑ जा॒त – वे॒दः ॥ इ॒न्धा॒नास्त्वा॑ ।
त्वा सु॒प्रज॑सः । सु॒प्रज॑सः सु॒वीराः॑ । सु॒प्रज॑स इति॑ सु – प्र॒जसः॑ ।
सु॒वीरा॑ ज्योक् । सु॒वीरा॑ इति॑ सु – वी॒राः । ज्यो॒ग् जी॒वेम॑ ।
जी॒वेम॑ ब॒लिह॑तः । ब॒लिह॑तो व॒यम् । ब॒लिह॑त इति॑ ब॒लि – ह॑तः ।
व॒यम् ते॑ । त इति॑ ते ॥ य॒न्मे॑ । मे अ॒ग्ने । अ॒ग्ने अ॒स्य ।
अ॒स्य य॒ज्ञस्य॑ । य॒ज्ञस्य॑ रि॒ष्यात् । रि॒ष्याद् यत् । 4 (50/62)

T.S.1.6.2.2 - Kramam

यद् वा॑ । वा॒ स्क्न्दा॑त् । स्क्न्दा॒दाज्य॑स्य । आ॒ज्य॑स्यो॒त ।
उ॒त वि॒ष्णो॑ । वि॒ष्णो॑ इति॑ वि॒ष्णो॑ ॥ ते॒न ह॑न्मि । ह॒न्मि स॒पत्न॑म् ।
स॒पत्न॑म् दु॒र्मरा॑युम् । दु॒र्मरा॑यु॒मा । दु॒र्मरा॑युमि॒ति दुः-म॑रायुम् ।
ऐ॒नम् । ए॒नम् द॑धामि । द॑धामि नि॒र्ऋ॒त्याः । नि॒र्ऋ॒त्या उ॒पस्थे॑ ।

निर्ऋ॒त्या इति॑ निः - ऋ॒त्याः । उप॒स्थ इत्यु॒प - स्थे॑ ॥ भू॒र्भुवः॑ ।
 भुवः॑ सुवः॑ । सुव॒रुच्छु॑ष्मः । उच्छु॑ष्मोऽग्ने॑ । उच्छु॑ष्म इत्यु॒त्-शु॑ष्मः ।
 अग्ने॑ यज॒मानाय॑ । यज॒मानायै॑धि । ए॒धि नि॒शुष्मः॑ । नि॒शुष्मो
 अ॒भिदा॑सते । नि॒शुष्म इति॑ नि-शु॑ष्मः । अ॒भिदा॑सत इत्य॒भि दा॑सते ।
 अग्ने॑ दे॒वैर्ब॑द्ध । दे॒वैर्ब॑द्ध मन्वि॒द्ध । दे॒वैर्ब॑द्धेति॑ दे॒व - इ॒द्ध ।
 मन्वि॒द्ध म॒न्द्रजि॑ह्व । मन्वि॒द्धेति॑ मनु॒ - इ॒द्ध । म॒न्द्रजि॑ह्वाम॒र्त्यस्य॑ ।
 म॒न्द्रजि॑ह्वेति॑ म॒न्द्र-जि॑ह्व । अ॒म॒र्त्यस्य॑ ते । ते हो॒तः । हो॒तर् मू॒र्धन् ।
 मू॒र्धन्ना॑ । आ जि॒घर्मि॑ । जि॒घर्मि॑ रा॒यः । रा॒यस्पो॑षाय । पो॒षाय
 सु॒प्रजा॑स्त्वाय । सु॒प्रजा॑स्त्वाय सु॒वीर्या॑य । सु॒प्रजा॑स्त्वायेति॑
 सु॒प्रजाः - त्वा॑य । सु॒वीर्या॑य मनः॑ । सु॒वीर्या॑येति॑ सु - वी॒र्या॑य ।
 मनो॑ऽसि । अ॒सि प्रा॒जाप॑त्यम् । प्रा॒जाप॑त्यम् मन॒सा । प्रा॒जाप॑त्यमि॒ति
 प्रा॒जा - प॑त्यम् । मन॒सा मा । मा भू॒तेन॑ । भू॒तेना॑ । आ वि॒श ।
 वि॒श वाक् । वा॒गसि॑ । अ॒स्यै॒न्द्री । ऐ॒न्द्री स॑प॒न्नक्ष॑यणी ।
 स॑प॒न्नक्ष॑यणी वा॒चा । स॑प॒न्नक्ष॑यणीति॑ स॑प॒न्न - क्ष॑यणी । 5 (50/61)

T.S.1.6.2.3 - Kramam

वा॒चा मा॑ । मे॒न्द्रि॒येण॑ । इ॒न्द्रि॒येणा॑ । आ वि॒श । वि॒श व॒स॒न्तम् ।
व॒स॒न्त॒मृ॒तूना॑म् । ऋ॒तूना॑म् प्री॒णामि॑ । प्री॒णामि॑ सः । स मा॑ । मा प्री॒तः ।
प्री॒तः प्री॒णातु॑ । प्री॒णातु॑ ग्री॒ष्मम् । ग्री॒ष्म॒मृ॒तूना॑म् । ऋ॒तूना॑म् प्री॒णामि॑ ।
प्री॒णामि॑ सः । स मा॑ । मा प्री॒तः । प्री॒तः प्री॒णातु॑ । प्री॒णातु॑ व॒र्षाः ।
व॒र्षाः ऋ॒तूना॑म् । ऋ॒तूना॑म् प्री॒णामि॑ । प्री॒णामि॑ ताः । ता मा॑ ।
मा प्री॒ताः । प्री॒ताः प्री॒णन्तु॑ । प्री॒णन्तु॑ श॒र॒दम् । श॒र॒द॒मृ॒तूना॑म् ।
ऋ॒तूना॑म् प्री॒णामि॑ । प्री॒णामि॑ सा । सा मा॑ । मा प्री॒ता । प्री॒ता प्री॒णातु॑ ।
प्री॒णातु॑ हे॒म॒न्त॒शि॒शिरौ॑ । हे॒म॒न्त॒शि॒शिरा॑वृ॒तूना॑म् । हे॒म॒न्त॒शि॒शिरा॑विति॑
हे॒म॒न्त – शि॒शिरौ॑ । ऋ॒तूना॑म् प्री॒णामि॑ । प्री॒णामि॑ तौ । तौ मा॑ ।
मा प्री॒तौ । प्री॒तौ प्री॒णीता॑म् । प्री॒णीता॑म॒ग्नी॒षो॒मयोः॑ । अ॒ग्नी॒षो॒मयो॑र॒हम् ।
अ॒ग्नी॒षो॒मयो॑रि॒त्य॒ग्नी – सो॒मयोः॑ । अ॒हम् दे॒व॒य॒ज्यया॑ । दे॒व॒य॒ज्यया॑
चक्षु॑ष्मान् । दे॒व॒य॒ज्यये॑ति दे॒व – य॒ज्यया॑ । चक्षु॑ष्मान् भू॒यास॑म् ।
भू॒यास॑म॒ग्नेः । अ॒ग्ने॒र॒हम् । अ॒हम् दे॒व॒य॒ज्यया॑ । दे॒व॒य॒ज्यया॑ऽन्ना॒दः ।

दे॒वय॒ज्यये॑ति दे॒व – य॒ज्यया॑ । अ॒न्नादो॑ भू॒यास॑म् () ।

अ॒न्नाद॑ इत्य॒न्न – अ॒दः । भू॒यास॑म् द॒ब्धिः । 6 (50/55)

T.S.1.6.2.4 - Kramam

द॒ब्धि॒रसि॑ । अ॒स्यद॑ब्धः । अ॒दब्धो॑ भू॒यास॑म् । भू॒यास॑म॒मुम् ।

अ॒मुम् द॑भे॒यम् । द॑भे॒यम॑ग्नी॒षोम॑योः । अ॒ग्नी॒षोम॑यो॒रह॑म् ।

अ॒ग्नी॒षोम॑यो॒रित्य॑ग्नी – सो॒मयोः॑ । अ॒हम् दे॒वय॒ज्यया॑ ।

दे॒वय॒ज्यया॑ वृ॒त्रहा॑ । दे॒वय॒ज्यये॑ति दे॒व – य॒ज्यया॑ । वृ॒त्रहा॑ भू॒यास॑म् ।

वृ॒त्रहे॑ति वृ॒त्र – हा॑ । भू॒यास॑मि॒न्द्रा॒ग्नियोः॑ । इ॒न्द्रा॒ग्नियो॒रह॑म् ।

इ॒न्द्रा॒ग्नियो॒रिती॑न्द्र – अ॒ग्नियोः॑ । अ॒हम् दे॒वय॒ज्यया॑ ।

दे॒वय॒ज्यये॑न्द्रि॒यावी॑ । दे॒वय॒ज्यये॑ति दे॒व – य॒ज्यया॑ । इ॒न्द्रि॒याव्य॑न्नादः ।

अ॒न्नादो॑ भू॒यास॑म् । अ॒न्नाद॑ इत्य॒न्न – अ॒दः । भू॒यास॑मि॒न्द्रस्य॑ ।

इ॒न्द्रस्या॑हम् । अ॒हम् दे॒वय॒ज्यया॑ । दे॒वय॒ज्यये॑न्द्रि॒यावी॑ । दे॒वय॒ज्यये॑ति

दे॒व – य॒ज्यया॑ । इ॒न्द्रि॒यावी॑ भू॒यास॑म् । भू॒यास॑म् महे॒न्द्रस्य॑ ।

महे॒न्द्रस्या॑हम् । महे॒न्द्रस्ये॑ति म॒हा – इ॒न्द्रस्य॑ । अ॒हम् दे॒वय॒ज्यया॑ ।

दे॒वय॒ज्यया॑ जे॒मान॑म् । दे॒वय॒ज्यये॑ति दे॒व – य॒ज्यया॑ । जे॒मान॑म्

महि॒मान॑म् । म॒हि॒मान॑म् ग॒मेय॑म् । ग॒मेय॑म॒ग्नेः । अ॒ग्नेः स्वि॑ष्ट॒कृतः॑ ।

स्वि॒ष्ट॒कृतो॒ऽहम् । स्वि॒ष्ट॒कृत॒ इति॑ स्वि॒ष्ट-कृतः॑ । अ॒हम् दे॒वय॑ज्यया ॥

दे॒वय॑ज्यया ऽऽयु॒ष्मान् । दे॒वय॑ज्ययेति॑ दे॒व - यज्य॑या ॥

आयु॒ष्मान्. यज्ञे॑न । यज्ञे॑न प्रति॒ष्ठाम् । प्रति॒ष्ठाम् गमे॑यम् ।

प्रति॒ष्ठामिति॑ प्रति - स्था॒म् । गमे॑यमिति॑ गमे॑यम् ॥ 7 (36/48)

(रि॒ष्याथ्-स॒पत्न॑क्षय॒ण्य-त्रा॒दो भू॒यास॑-षट्त्रि॒ंशच्च॑) (A2)

T.S.1.6.3.1 - Kramam

अ॒ग्निर् मा॑ । मा॒ दुरि॑ष्टात् । दुरि॑ष्टात् पातु । दुरि॑ष्टादिति॑ दुः - इ॒ष्टात् ।

पातु॑ स॒विता॑ । स॒विता॑ऽघश॑सात् । अ॒घश॑साद् यः ।

अ॒घश॑सादित्य॒घ - श॑सात् । यो मे॑ । मे॒ऽन्ति॑ । अ॒न्ति॑ दू॒रे ।

दू॒रे ऽरा॑तीयति॑ । अ॒रा॒ती॒यति॑ तम् । तमे॑तेन॑ । ए॒तेन॑ जेष॑म् ।

जे॒ष-सु॒रूप॑वर्षवर्णे॑ । सु॒रूप॑वर्षवर्ण॑ आ । सु॒रूप॑वर्षवर्ण॑ इति॑

सु॒रूप॑ - वर्ष॑वर्णे॑ । ए॒हि । इ॒ही॒मान् । इ॒मान् भ॒द्रान् । भ॒द्रान् दुर्या॑न् ।

दुर्या॑न् अ॒भि । अ॒भ्या । ए॒हि । इ॒हि मा॑म् । मा॒मनु॑व्रता । अ॒नु॒व्रता॑

नि । अ॒नु॒व्रते॑त्यनु॑-व्रता॑ । न्यु॑ । उ॒ शी॒र्षाणि॑ । शी॒र्षाणि॑ मृ॒द्वम् ।

मृ॒द्वमी॒डे । इ॒ड आ॑ । ए॒हि । इ॒ह्यदि॑ते । अ॒दित॑ आ । ए॒हि ।

इ॒हि॒ सर॑स्वति । सर॑स्वत्या । ए॒हि॒ । इ॒हि॒ रन्तिः॑ । रन्ति॑रसि ।
 अ॒सि॒ रम॑तिः । रम॑तिरसि । अ॒सि॒ सून॑री । सून॑र्यसि । अ॒सि॒ जुष्टे॑ ॥
 जुष्टे॑ जुष्टि॑म् । जुष्टि॑म् ते । तेऽशी॑य । अशी॑योपहू॒ते ।
 उप॑होत उपह॑वम् । उपहू॑त इत्युप – हू॒ते । उपह॑वम् ते ॥

उपह॑वमित्युप – हवम् । 8 (50/56)

T.S.1.6.3.2 - Kramam

तेऽशी॑य । अशी॑य सा । सा मे॑ ॥ मे स॒त्या । स॒त्याऽऽशीः॑ ।
 आशी॑रस्य । आशी॑रित्या – शीः॑ । अस्य॑ य॒ज्ञस्य॑ । य॒ज्ञस्य॑ भूयात् ।
 भूया॑दरेडता । अरेड॑ता मनसा । मनसा॑ तत् । तच्छ॑क्यम् । श॒क्यं
 य॒ज्ञः । य॒ज्ञोदिव॑म् । दिव॑ꣳ रोह॒तु । रोह॒तु य॒ज्ञः । य॒ज्ञो दिव॑म् ।
 दिव॑म् गच्छ॒तु । गच्छ॒तु यः॑ । यो दे॒वयानः॑ । दे॒वयानः॑ पन्थाः॑ ।
 दे॒वयान॑ इति दे॒व – यानः॑ । पन्था॑स्तेन । तेन॑ य॒ज्ञः । य॒ज्ञो दे॒वान् ।
 दे॒वाꣳ अपि॑ । अप्ये॑तु । ए॒त्वस्मा॑सु । अ॒स्मास्विन्द्रः॑ । इन्द्र॑
 इन्द्रि॑यम् । इन्द्रि॑यम् दधा॒तु । दधा॑त्वस्मान् । अ॒स्मान् रा॒यः । रा॒य उ॒त ।
 उ॒त य॒ज्ञाः । य॒ज्ञाः स॒चन्ता॑म् । स॒चन्ता॑मस्मा॑सु । अ॒स्मासु॑ सन्तु ।
 स॒न्त्वाशि॑षः । आ॒शिषः॑ सा । आ॒शिष॑ इत्या – शिषः॑ । सा नः॑ ।

नः॑ प्रि॒या । प्रि॒या सु॒प्रतू॑र्तिः॑ । सु॒प्रतू॑र्तिर् म॒घोनी॑ । सु॒प्रतू॑र्तिरिति॑
 सु – प्रतू॑र्तिः॑ । म॒घोनी॑ जु॒ष्टिः॑ । जु॒ष्टिर॑सि । अ॒सि जु॒षस्व॑ ।
 जु॒षस्व॑ नः॑ । नो॑ जु॒ष्टा । जु॒ष्टा नः॑ । नो॑ऽसि । 9 (50/54)

T.S.1.6.3.3 - Kramam

अ॒सि जु॒ष्टिम् । जु॒ष्टिम् ते॑ । ते॑ ग॒मेय॑म् । ग॒मेय॑म् म॒नः॑ । म॒नो
 ज्यो॑तिः । ज्यो॑तिर् जु॒षता॑म् । जु॒षता॑माज्य॑म् । आ॒ज्यं वि॑च्छिन्नम् ।
 वि॑च्छिन्नं य॒ज्ञम् । वि॑च्छिन्नमिति॑ वि – छि॒न्नम् । य॒ज्ञं स॑म् ।
 स॒मिम॑म् । इ॒मम् द॑धातु । द॒धात्विति॑ द॑धातु ॥ बृ॒हस्प॑तिस्तनुताम् ।
 त॒नुता॑मिमम् । इ॒मम् नः॑ । नो॑ विश्वे॑ । विश्वे॑ दे॒वाः । दे॒वा इ॒ह । इ॒ह
 मा॒दय॑न्ताम् । मा॒दय॑न्तामिति॑ मा॒दय॑न्ताम् ॥ ब्र॒ह्म॒न् पि॒न्वस्व॑ । पि॒न्वस्व॑
 द॒दतः॑ । द॒दतो॑ मे॑ । मे॑ मा॑ । मा॑ क्षायि॑ । क्षायि॑ कुर्व॑तः । कुर्व॑तो मे॑ ।
 मे॑ मा॑ । मो॒ष । उ॒प द॑सत् । द॑सत् प्र॒जाप॑तेः । प्र॒जाप॑तेर् भा॒गः ।
 प्र॒जाप॑तेरिति॑ प्र॒जा – प॑तेः । भा॒गोऽसि॑ । अ॒स्यूर्ज॑स्वान् । ऊ॒र्जस्वान्
 प॒यस्वान् । प॒यस्वान् प्रा॑णापानौ । प्रा॑णापानौ मे॑ । प्रा॑णापानाविति॑
 प्रा॒ण – अ॒पानौ॑ । मे॑ पा॒हि । पा॒हि स॒मान॑व्यानौ । स॒मान॑व्यानौ मे॑ ।

स॒मान॒व्या॒ना॒वि॒ति॒ समान - व्या॒नौ । मे॒ पा॒हि । पा॒ह्यु॒दान॒व्या॒नौ ।
उ॒दान॒व्या॒नौ मे॒ । उ॒दान॒व्या॒ना॒वि॒त्यु॒दान - व्या॒नौ । मे॒ पा॒हि ।
पा॒ह्य॒क्षि॒तः । अ॒क्षि॒तो॒ऽसि॒ । अ॒स्य॒क्षि॒त्यै । अ॒क्षि॒त्यै त्वा () ।
त्वा मा । मा मे॒ । मे॒ क्षे॒ष्टाः । क्षे॒ष्टा अ॒मु॒त्र । अ॒मु॒त्रा॒मु॒ष्मिन् ।
अ॒मु॒ष्मिन् लो॒के । लो॒क इति॑ लो॒के ॥ 10 (56/61)

(उप॒हव॑-जु॒ष्टान॑स्-त्वा षट्च) (A3)

T.S.1.6.4.1 - Kramam

ब॒र्हि॒षो॒ऽहम् । अ॒हम् दे॒वय॑ज्यया॒ । दे॒वय॑ज्यया॒ प्र॒जा॒वान् ।
दे॒वय॑ज्ययेति॑ दे॒व - य॒ज्यया॒ । प्र॒जा॒वान् भू॒या॒सम् । प्र॒जा॒वा॒नि॒ति॑
प्र॒जा - वा॒न् । भू॒या॒सम् न॒रा॒श॒ऽस॒स्य । न॒रा॒श॒ऽस॒स्या॒हम् । अ॒हम्
दे॒वय॑ज्यया॒ । दे॒वय॑ज्यया॒ प॒शु॒मा॒न् । दे॒वय॑ज्ययेति॑ दे॒व - य॒ज्यया॒ ।
प॒शु॒मा॒न् भू॒या॒सम् । प॒शु॒मा॒नि॒ति॑ प॒शु - मा॒न् । भू॒या॒स॒म॒ग्नेः ।
अ॒ग्नेः स्वि॑ष्टकृतः । स्वि॑ष्टकृतो॒ऽहम् । स्वि॑ष्टकृत इति॑ स्वि॑ष्ट-कृतः ।
अ॒हम् दे॒वय॑ज्यया॒ । दे॒वय॑ज्यया॒ ऽऽयु॑ष्मान् । दे॒वय॑ज्ययेति॑
दे॒व - य॒ज्यया॒ । आ॒यु॑ष्मान् य॒ज्ञेन॑ । य॒ज्ञेन॑ प्र॒ति॒ष्ठा॒म् । प्र॒ति॒ष्ठा॒म्
ग॒मे॒यम् । प्र॒ति॒ष्ठा॒मि॒ति॑ प्र॒ति - स्था॒म् । ग॒मे॒य॒म॒ग्नेः । अ॒ग्ने॒र॒हम् ।

अ॒हमु॒ज्जि॒तिम् । उ॒ज्जि॒ति॒म॒नु । उ॒ज्जि॒ति॒मि॒त्युत् – जि॒तिम् । अ॒नूत् ।
 उ॒ज्जै॒षम् । जै॒षꣳ सोम॑स्य । सोम॑स्याहम् । अ॒हमु॒ज्जि॒तिम् ।
 उ॒ज्जि॒ति॒म॒नु । उ॒ज्जि॒ति॒मि॒त्युत् – जि॒तिम् । अ॒नूत् । उ॒ज्जै॒षम् ।
 जै॒षम॑ग्नेः । अ॒ग्ने॒रह॑म् । अ॒हमु॒ज्जि॒तिम् । उ॒ज्जि॒ति॒म॒नु ।
 उ॒ज्जि॒ति॒मि॒त्युत् – जि॒तिम् । अ॒नूत् । उ॒ज्जै॒षम् । जै॒षम॑ग्नीषो॒मयोः ।
 अ॒ग्नीषो॒मयो॒रह॑म् । अ॒ग्नीषो॒मयो॒रित्य॑ग्नी॒-सोम॑योः । अ॒हमु॒ज्जि॒तिम् ।
 उ॒ज्जि॒ति॒म॒नु । उ॒ज्जि॒ति॒मि॒त्युत् – जि॒तिम् । अ॒नूत् । उ॒ज्जै॒षम् ।
 जै॒षमि॑न्द्रा॒ग्नियोः । इ॒न्द्रा॒ग्नियो॒रह॑म् । इ॒न्द्रा॒ग्नियो॒रिती॑न्द्र॒-अ॒ग्नियोः ।
 अ॒हमु॒ज्जि॒तिम् । उ॒ज्जि॒ति॒म॒नु । उ॒ज्जि॒ति॒मि॒त्युत् – जि॒तिम् । अ॒नूत् ।
 उ॒ज्जै॒षम् । जै॒षमि॑न्द्रस्य । इ॒न्द्रस्या॑हम् । अ॒हमु॒ज्जि॒तिम् । 11 (50/64)

T.S.1.6.4.2 - Kramam

उ॒ज्जि॒ति॒म॒नु । उ॒ज्जि॒ति॒मि॒त्युत् – जि॒तिम् । अ॒नूत् । उ॒ज्जै॒षम् ।
 जै॒षम् म॑हे॒न्द्रस्य॑ । म॑हे॒न्द्रस्या॑हम् । म॑हे॒न्द्रस्ये॑ति॒ महा॑ – इ॒न्द्रस्य॑ ।
 अ॒हमु॒ज्जि॒तिम् । उ॒ज्जि॒ति॒म॒नु । उ॒ज्जि॒ति॒मि॒त्युत् – जि॒तिम् । अ॒नूत् ।
 उ॒ज्जै॒षम् । जै॒षम॑ग्नेः । अ॒ग्नेः स्वि॑ष्ट॒कृतः॑ । स्वि॑ष्ट॒कृतो॑ऽहम् ।

स्विष्टकृत॑ इति॑ स्विष्ट॑ - कृतः॑ । अ॒हमु॒ज्जि॒तिम् । उ॒ज्जि॒ति॒मनु॑ ।
 उ॒ज्जि॒ति॒मि॒त्युत् - जि॒तिम् । अ॒नूत् । उ॒ज्जेष॑म् । जेषं॑ वा॒जस्य॑ ।
 वा॒जस्य॑ मा । मा प्र॒सवे॑न । प्र॒सवे॑नो॒द्ग्रा॒भेण॑ । प्र॒सवे॑नेति॑
 प्र - स॒वेन॑ । उ॒द्ग्रा॒भेणो॑त् । उ॒द्ग्रा॒भेणो॑त्युत् - ग्रा॒भेण॑ । उ॒दग्र॑भीत् ।
 अ॒ग्रभी॑दित्य॒ग्रभी॑त् ॥ अथा॑ स॒पत्नान् । स॒पत्ना॑ꣳ इन्द्रः॑ । इन्द्रो॑ मे ।
 मे नि॒ग्रा॒भेण॑ । नि॒ग्रा॒भेणा॑ध॒रान् । नि॒ग्रा॒भेणे॑ति नि - ग्रा॒भेण॑ । अध॒राꣳ
 अ॒कः । अ॒क॒रि॒त्य॒कः ॥ उ॒द्ग्रा॒भम् च॑ । उ॒द्ग्रा॒भमि॒त्युत् - ग्रा॒भम् ।
 च नि॒ग्रा॒भम् । नि॒ग्रा॒भम् च॑ । नि॒ग्रा॒भमि॒ति नि - ग्रा॒भम् । च ब्र॑ह्म ।
 ब्र॑ह्म दे॒वाः । दे॒वा अ॒वीवृ॑धन् । अ॒वीवृ॑धन्नित्य॒वीवृ॑धन् ॥ अथा॑
 स॒पत्नान् । स॒पत्नानि॑न्द्रा॒ग्नी । इन्द्रा॒ग्नी मे॑ । इन्द्रा॒ग्नी इतीन्द्र॑-अ॒ग्नी ।
 मे वि॒षूची॑नान् । वि॒षूची॑नान् वि । व्य॒स्यता॑म् ।
 अ॒स्यता॑मित्य॒स्यता॑म् ॥ ए॒माः । इ॒मा अ॒गम॑न् । अ॒गम॑न्नाशिषः॑ ।
 आ॒शिषो॑ दोह॒कामाः॑ । आ॒शिष॑ इत्या-शिषः॑ । दोह॒कामा॑ इन्द्र॒वन्तः॑ ।
 दोह॒कामा॑ इति॑ दोह॑ - का॒माः । इन्द्र॒वन्तो॑ वना॒महे॑ ।
 इन्द्र॒वन्त॑ इतीन्द्र॑ - व॒न्तः । 12 (50/64)

T.S.1.6.4.3 - Kramam

व॒ना॒म॒हे॒ धु॒क्षी॒म॒हि॒ । धु॒क्षी॒म॒हि॒ प्र॒जाम् । प्र॒जामि॑षम् । प्र॒जामि॑ति॒
 प्र – जा॒म् । इ॒षमि॑ती॒षम् ॥ रो॒हि॒ते॒न॒ त्वा । त्वा॒ऽग्निः॑ । अ॒ग्निर्
 दे॒वता॑म् । दे॒वता॑म् ग॒मय॑तु । ग॒मय॑तु ह॒रि॒भ्याम् । ह॒रि॒भ्याम् त्वा ।
 ह॒रि॒भ्यामि॑ति॒ ह॒रि – भ्या॑म् । त्वे॒न्द्रः॑ । इ॒न्द्रो॑ दे॒वता॑म् । दे॒वता॑म्
 ग॒मय॑तु । ग॒मय॑त्वै॒त॒शे॒न । ए॒त॒शे॒न॒ त्वा । त्वा॒ सूर्यः॑ । सूर्यो॑ दे॒वता॑म् ।
 दे॒वता॑म् ग॒मय॑तु । ग॒मय॑तु वि । वि ते॑ । ते मु॒ञ्चामि॑ । मु॒ञ्चामि॑
 र॒शनाः॑ । र॒शना॑ वि । वि र॒श्मीन् । र॒श्मीन् वि । वि यो॒क्त्रा । यो॒क्त्रा
 या॒नि । या॒नि॒ परि॑च॒र्त॒नानि॑ । परि॑च॒र्त॒नानि॑ ध॒त्तात् । परि॑च॒र्त॒नानी॑ति॒
 परि – च॒र्त॒नानि॑ । ध॒त्ता॒द॒स्मा॒सु । अ॒स्मा॒सु द्र॑वि॒णम् । द्र॑वि॒णं य॑त् ।
 य॒च्च । च भ॒द्रम् । भ॒द्रम् प्र । प्र णः॑ । नो ब्रू॒तात् । ब्रू॒ताद् भा॒ग॒धा॒न् ।
 भा॒ग॒धा॒न् दे॒वता॑सु । भा॒ग॒धा॒निति॑ भा॒ग॒धा॒न् । दे॒वता॑स्वि॒ति दे॒वता॑सु ॥
 वि॒ष्णोः॑ श॒म्योः॑ । श॒म्यो॒र॒हम् । श॒म्यो॒रिति॑ श॒म् – योः॑ ।
 अ॒हम् दे॒वय॑ज्यया । दे॒वय॑ज्यया य॒ज्ञेन॑ । दे॒वय॑ज्यये॒ति दे॒वय॑ज्यया ।
 य॒ज्ञेन॑ प्र॒तिष्ठा॑म् । प्र॒तिष्ठा॑म् ग॒मे॒यम् । प्र॒तिष्ठा॑मि॒ति प्र॒ति – स्था॑म् ।

ग॒मे॒य॒ꣳ स॒ोम॒स्य॑ । स॒ोम॒स्या॒हम् । अ॒हम् दे॒वय॒ज्यया॑ ॥

दे॒वय॒ज्यया॑ सु॒रेताः॑ ॥ दे॒वय॒ज्यये॑ति दे॒व – य॒ज्यया॑ ॥ 13 (50/58)

T.S.1.6.4.4 - Kramam

सु॒रेता॑ रे॒तः । सु॒रेता॑ इति सु – रेताः॑ ॥ रेता॑ धि॒षीय॑ । धी॒षीय॑ त्वष्टुः॑ ।

त्वष्टु॑र॒हम् । अ॒हम् दे॒वय॒ज्यया॑ ॥ दे॒वय॒ज्यया॑ प॒शूना॑म् । दे॒वय॒ज्यये॑ति

दे॒व – य॒ज्यया॑ ॥ प॒शूना॑ꣳ रू॒पम् । रू॒पम् पु॒षेय॑म् । पु॒षेय॑म् दे॒वाना॑म् ।

दे॒वाना॑म् प॒त्नीः ॥ प॒त्नीर॑ग्निः । अ॒ग्निर् गृ॒हप॑तिः । गृ॒हप॑तिर् य॒ज्ञस्य॑ ।

गृ॒हप॑तिरिति गृ॒ह – प॑तिः । य॒ज्ञस्य॑ मि॒थुन॑म् । मि॒थुन॑म् तयोः॑ ॥

तयो॑र॒हम् । अ॒हम् दे॒वय॒ज्यया॑ ॥ दे॒वय॒ज्यया॑ मि॒थुने॑न । दे॒वय॒ज्यये॑ति

दे॒व – य॒ज्यया॑ ॥ मि॒थुने॑न प्र । प्र भू॒यास॑म् । भू॒यासं॑ वै॒दः ।

वे॒दोऽसि॑ । अ॒सि वि॒त्तिः । वि॒त्तिर॑सि । अ॒सि वि॒देय॑ । वि॒देय॑ क॒र्म ।

क॒र्मासि॑ । अ॒सि क॒रुण॑म् । क॒रुण॑म॒सि । अ॒सि क्रि॒यास॑म् ।

क्रि॒यास॑ꣳ स॒निः । स॒निर॑सि । अ॒सि स॒निता॑ । स॒निता॑ऽसि॑ । अ॒सि

स॒नेय॑म् । स॒नेय॑म् घृ॒तव॑न्तम् । घृ॒तव॑न्तम् कु॒लायि॑नम् । घृ॒तव॑न्तमि॒ति

घृ॒त – व॑न्तम् । कु॒लायि॑नꣳ रा॒यः । रा॒यस्पो॑षम् । पो॒षꣳ स॒हस्रि॑णम् ।

स॒ह॒स्रि॒णं॑ वे॒दः । वे॒दो॑ द॒दातु॑ । द॒दातु॑ वा॒जिन॑म् । वा॒जिन॑मि॒ति॑
वा॒जिन॑म् ॥ 14 (44/49) (इ॒न्द्र॒स्या॒ह॒-मि॒न्द्र॒व॒न्तः॑-सो॒म॒स्या॒हं॑
दे॒व॒य॒ज्य॒या-च॒तु॑श्च॒त्वा॒रि॒श॒च॒) (A4)

T.S.1.6.5.1 - Kramam

आ॒ प्या॒य॒ताम् । प्या॒य॒ताम्॑ ध्रु॒वा । ध्रु॒वा॑ घृ॒तेन॑ । घृ॒तेन॑ य॒ज्ञम्॑ य॒ज्ञम् ।
य॒ज्ञम्॑ य॒ज्ञं॑ प्र॒ति । य॒ज्ञम्॑ य॒ज्ञमि॒ति॑ य॒ज्ञं - य॒ज्ञम् । प्र॒ति॑ दे॒व॒य॒द्भ्यः॑ ।
दे॒व॒य॒द्भ्य॑ इति॑ दे॒व॒य॒त् - भ्यः॑ ॥ सू॒र्या॒या॑ ऊ॒धः । ऊ॒धो॑ऽदि॒त्याः ।
अदि॒त्या॑ उ॒प॒स्थे॑ । उ॒प॒स्थ॑ उ॒रु॒धा॒रा । उ॒प॒स्थ॑ इत्यु॒प - स्थे॑ ।
उ॒रु॒धा॒रा॑ पृ॒थि॒वी । उ॒रु॒धा॒रे॒त्यु॒रु-धा॒रा । पृ॒थि॒वी॑ य॒ज्ञे । य॒ज्ञे॑ अ॒स्मिन् ।
अ॒स्मिन्नि॒त्य॒स्मिन् ॥ प्र॒जा॒प॒तेर् वि॒भान् । प्र॒जा॒प॒तेरि॒ति॑ प्र॒जा - प॒तेः ।
वि॒भान्ना॒म । वि॒भानि॒ति॑ वि - भान् । ना॒म॒ लो॒कः । लो॒क॒स्त॒स्मिन् ।
त॒स्मिन् स्त्वा॑ । त्वा॒ द॒धा॒मि । द॒धा॒मि॑ स॒ह । स॒ह॑ य॒ज॒मा॒नेन॑ ।
य॒ज॒मा॒नेन॑ स॒त् । स॒द॒सि॑ । अ॒सि॒ स॒त् । स॒न्मे॑ । मे॒ भू॒याः ।
भू॒याः॑ स॒र्वम् । स॒र्व॒म॒सि॑ । अ॒सि॒ स॒र्वम् । स॒र्वम्॑ मे॒ । मे॒ भू॒याः ।
भू॒याः॑ पू॒र्णम् । पू॒र्ण॒म॒सि॑ । अ॒सि॒ पू॒र्णम् । पू॒र्णम्॑ मे॒ । मे॒ भू॒याः ।

भू॒या अ॒क्षित॑म् । अ॒क्षित॑मसि । अ॒सि मा । मा मे॑ । मे॒ क्षे॒ष्टाः ।
क्षे॒ष्टाः प्रा॒च्याम् । प्रा॒च्याम् दि॒शि । दि॒शि दे॒वाः । दे॒वा ऋ॒त्विजः॑ ।
ऋ॒त्विजो॑ मा॒र्जय॑न्ताम् । मा॒र्जय॑न्ताम् दक्षि॑णायाम् ।
दक्षि॑णायाम् दि॒शि । 15 (50/55)

T.S.1.6.5.2 - Kramam

दि॒शि मा॒साः । मा॒साः पि॒तरः॑ । पि॒तरो॑ मा॒र्जय॑न्ताम् । मा॒र्जय॑न्ताम्
प्र॒तीच्या॑म् । प्र॒तीच्या॑म् दि॒शि । दि॒शि गृ॒हाः । गृ॒हाः प॒शवः॑ । प॒शवो॑
मा॒र्जय॑न्ताम् । मा॒र्जय॑न्तामुदी॑च्याम् । उदी॑च्याम् दि॒शि । दि॒श्यापः॑ ।
आप॑ ओष॒धयः॑ । ओष॒धयो॑ वन॒स्पत॑यः । वन॒स्पत॑यो मा॒र्जय॑न्ताम् ।
मा॒र्जय॑न्तामूर्ध्वा॑याम् । ऊ॒र्ध्वायाम्॑ दि॒शि । दि॒शि य॒ज्ञः ।
य॒ज्ञः सम्॑व॒त्सरः॑ । सम्॑व॒त्सरो॑ य॒ज्ञप॑तिः । सम्॑व॒त्सर इति॑
सम् – व॒त्सरः॑ । य॒ज्ञप॑तिर् मा॒र्जय॑न्ताम् । य॒ज्ञप॑तिरिति॑ य॒ज्ञ-प॑तिः ।
मा॒र्जय॑न्ताम् वि॒ष्णोः॑ । वि॒ष्णोः क्र॑मः । क्र॑मोऽसि॑ । अ॒स्यभि॑मातिहा ।
अभि॑मातिहा गाय॒त्रेण॑ । अभि॑मातिहे॒त्यभि॑माति – हा । गाय॒त्रेण॑
छ॒न्दसा॑ । छ॒न्दसा॑ पृ॒थि॒वीम् । पृ॒थि॒वीम॑नु । अनु॑ वि । वि क्र॑मे ।

क्र॒मे॒ निर्भ॑क्तः । निर्भ॑क्तः सः । निर्भ॑क्त इति निः – भ॒क्तः । स यम् ।
 यम् द्वि॒ष्मः । द्वि॒ष्मो वि॒ष्णोः॑ । वि॒ष्णोः क्र॒मः । क्र॒मोऽसि॑ ।
 अ॒स्य॒भि॒श॒स्ति॒हा । अ॒भि॒श॒स्ति॒हा त्रै॒ष्टु॒भेन॑ ।
 अ॒भि॒श॒स्ति॒हे॒त्य॒भि॒श॒स्ति॒ – हा । त्रै॒ष्टु॒भेन॑ छ॒न्द॒सा । छ॒न्द॒सा
 ऽन्त॑रि॒क्षम् । अ॒न्त॑रि॒क्ष॒म॒नु । अ॒नु वि॑ । वि क्र॒मे । क्र॒मे निर्भ॑क्तः ।
 निर्भ॑क्तः सः । निर्भ॑क्त इति निः – भ॒क्तः । स यम् । यम् द्वि॒ष्मः ।
 द्वि॒ष्मो वि॒ष्णोः॑ । वि॒ष्णोः क्र॒मः । क्र॒मोऽसि॑ । अ॒स्य॒रा॒ती॒य॒तः ।
 अ॒रा॒ती॒य॒तो ह॒न्ता । ह॒न्ता जा॒ग॒तेन॑ । जा॒ग॒तेन॑ छ॒न्द॒सा । छ॒न्द॒सा
 दि॒वम् । दि॒व॒म॒नु । अ॒नु वि॑ । वि॒क्र॒मे । क्र॒मे निर्भ॑क्तः । निर्भ॑क्तः सः ।
 निर्भ॑क्त इति निः – भ॒क्तः । स यम् । यम् द्वि॒ष्मः ।
 द्वि॒ष्मो वि॒ष्णोः॑ () । वि॒ष्णोः क्र॒मः । क्र॒मोऽसि॑ । अ॒सि श॒त्रू॒य॒तः ।
 श॒त्रू॒य॒तो ह॒न्ता । श॒त्रू॒य॒त इति॑ श॒त्रु – य॒तः । ह॒न्ताऽऽनु॑ष्टु॒भेन॑ ।
 आ॒नु॒ष्टु॒भेन॑ छ॒न्द॒सा । आ॒नु॒ष्टु॒भेने॒त्यानु॑ – स्तु॒भेन॑ । छ॒न्द॒सा दि॒शः ।
 दि॒शोऽनु॑ । अ॒नु वि॑ । वि क्र॒मे । क्र॒मे निर्भ॑क्तः ।
 निर्भ॑क्तः सः । निर्भ॑क्त इति निः – भ॒क्तः ।

स यम् । यम् द्विष्मः । द्विष्म इति द्विष्मः ॥ 16 (79/89)

(दक्षिणाया - मन्तरिक्षमनु वि क्रमे निर्भक्तः स यं द्विष्मो विष्णो-
रेकान्न त्रिंशच्च) (A5)

T.S.1.6.6.1 - Kramam

अ॒गन्म॑ सु॒वः । सु॒वः सु॒वः । सु॒व॒र॒गन्म॑ । अ॒गन्म॑ स॒न्दृ॒शः ।
स॒न्दृ॒शस्ते॑ । स॒न्दृ॒श इति॑ स॒म् - दृ॒शः । ते॒ मा । मा छि॑त्सि ।
छि॑त्सि यत् । यत्ते॑ । ते॒ तपः॑ । तप॑स्तस्मै॑ । तस्मै॑ ते । ते॒ मा । मा
वृ॑क्षि । आ वृ॑क्षि । वृ॑क्षि सु॒भूः । सु॒भूर॑सि । सु॒भूरि॑ति सु - भूः ।
अ॒सि श्रे॑ष्ठः । श्रे॑ष्ठो र॒श्मी॒नाम् । र॒श्मी॒नामा॑यु॒र्द्धाः । आ॒यु॒र्द्धा अ॑सि ।
आ॒यु॒र्द्धा इत्या॑युः - धाः । अ॒स्यायुः॑ । आ॒युर् मे॑ । मे॒ धेहि॑ । धेहि॑
व॒र्चो॒धाः । व॒र्चो॒धा अ॑सि । व॒र्चो॒धा इति॑ व॒र्चः-धाः । अ॒सि व॒र्चः ।
व॒र्चो म॑यि । म॑यि धेहि॑ । धे॒ही॒दम् । इ॒दम॑हम् । अ॒हम॑मुम् । अ॒मुम्
भ्रा॑तृ॒व्यम् । भ्रा॑तृ॒व्यमा॑भ्यः । आ॒भ्यो दि॑ग्भ्यः । दि॒ग्भ्योऽस्यै॑ । दि॒ग्भ्य
इति॑ दिक् - भ्यः । अ॒स्यै दि॒वः । दि॒वोऽस्मा॑त् । अ॒स्माद॑न्तरि॒क्षात् ।
अ॒न्तरि॑क्षाद॒स्यै । अ॒स्यै पृ॑थि॒व्याः । पृ॑थि॒व्या अ॑स्मात् ।
अ॒स्माद॑न्ना॒द्यात् । अ॒न्नाद्या॑न्निः । अ॒न्नाद्या॑दित्यन्न - अ॒द्यात् ।

निर् भजामि । भजामि निर्भक्तः । निर्भक्तः सः ।

निर्भक्त इति निः – भक्तः । स यम् । यम् द्विष्मः ।

द्विष्म इति द्विष्मः ॥ 17 (50/57)

T.S.1.6.6.2 - Kramam

सम् ज्योतिषा । ज्योतिषा ऽभूवम् । अभूवमैन्द्रीम् । ऐन्द्रीमावृतम् ।

आवृतमन्वावर्ते । आवृतमित्या – वृतम् । अन्वावर्ते सम् । अन्वावर्ते

इत्युनु – आवर्ते । समहम् । अहम् प्रजया । प्रजया सम् । प्रजयेति

प्र-जया । सम् मया । मया प्रजा । प्रजा सम् । प्रजेति प्र – जा ।

समहम् । अहं रायः । रायस्पोषेण । पोषेण सम् । सम् मया ।

मया रायः । रायस्पोषः । पोषः समिद्धः । समिद्धो अग्ने । समिद्ध

इति सम्-इद्धः । अग्ने मे । मे दीदिहि । दीदिहि समेद्धा । समेद्धा

ते । समेद्धेति सम् – एद्धा । ते अग्ने । अग्ने दीद्यासम् । दीद्यासम्

वसुमान् । वसुमान् यज्ञः । वसुमानिति वसु – मान् ।

यज्ञो वसीयान् । वसीयान् भूयासम् । भूयासमग्ने । अग्न आयूषि ।

आयूषि पवसे । पवस आ । आ सुव । सुवोर्जम् । ऊर्जमिषम् ।

इ॒षम् च । च नः । न इति नः ॥ आ॒रे बा॒धस्व । बा॒धस्व दु॒च्छुना॑म् ।
 दु॒च्छुना॑मि॒ति दु॒च्छुना॑म् ॥ अ॒ग्ने प॒वस्व । प॒वस्व स्व॒पाः । स्व॒पा
 अ॒स्मै । स्व॒पा इति सु – अ॒पाः । अ॒स्मै वर्चः॑ । अ॒स्मै इत्य॒स्मै ।
 वर्चः॑ सु॒वीर्य॑म् । सु॒वीर्य॑मि॒ति सु – वी॒र्य॑म् ॥ 18 (50/59)

T.S.1.6.6.3 - Kramam

द॒धत् पो॒षम् । पो॒षꣳ र॒यिम् । र॒यिम् म॒यि । म॒यीति॑ म॒यि ॥
 अ॒ग्ने गृ॒हप॑ते । गृ॒हप॑ते सु॒गृह॑पतिः । गृ॒हप॑त इति गृ॒ह – प॑ते ।
 सु॒गृह॑पतिर॒हम् । सु॒गृह॑पतिरि॒ति सु – गृ॒हप॑तिः । अ॒हम् त्वया॑ ।
 त्वया॑ गृ॒हप॑तिना । गृ॒हप॑तिना भू॒यास॑म् । गृ॒हप॑तिनेति गृ॒ह – प॑तिना ।
 भू॒यासꣳ सु॒गृह॑पतिः । सु॒गृह॑पतिर् म॒या । सु॒गृह॑पतिरि॒ति
 सु – गृ॒हप॑तिः । म॒या त्व॑म् । त्व॑म् गृ॒हप॑तिना । गृ॒हप॑तिना भू॒याः ।
 गृ॒हप॑तिनेति गृ॒ह – प॑तिना । भू॒याः श॒तम् । श॒तꣳ हि॒माः ।
 हि॒मास्ता॑म् । ता॒माशि॑षम् । आ॒शिष॑ मा । आ॒शिष॑मित्या – शि॑षम् ।
 आ श॑से । श॑से तन्त॒वे । तन्त॒वे ज्यो॑तिष्मतीम् । ज्यो॑तिष्मतीम् ता॑म् ।
 ता॒माशि॑षम् । आ॒शिष॑ मा । आ॒शिष॑मित्या – शि॑षम् । आ श॑से ।
 श॑सेऽमु॒ष्मै । अ॒मुष्मै॑ ज्यो॑तिष्मतीम् । ज्यो॑तिष्मतीम् कः । क॒स्त्वा ।

त्वा यु॒नक्ति॑ । यु॒नक्ति॑ सः । स त्वा॑ । त्वा वि॑ । वि मुञ्च॑तु ।
 मुञ्च॑त्वग्ने॑ । अग्ने॑ व्रत॑पते । व्रत॑पते व्रत॑म् । व्रत॑पत इति॑ व्रत॑-पते ।
 व्रत॑मचारि॑षम् । अ॒चा॒रि॒षम् तत् । तद॑शक॑म् । अ॒श॒कम् तत् । तन्मे॑ ।
 मे॒ऽराधि॑ । अ॒राधि॑ य॒ज्ञः । य॒ज्ञो ब॒भूव॑ । ब॒भूव॑ सः । स आ ।
 आ ब॒भूव॑ । 19 (50/58)

T.S.1.6.6.4 - Kramam

ब॒भूव॑ सः । स प्र॑ । प्र ज॒ज्ञे । ज॒ज्ञे सः । स वा॑वृधे । वा॒वृ॒ध इति॑
 वा॒वृ॒धे ॥ स दे॒वाना॑म् । दे॒वाना॑मधि॒पतिः॑ । अधि॒पति॑र् ब॒भूव॑ ।
 अधि॒पति॑रित्यधि॑ – पतिः॑ । ब॒भूव॑ सः । सो अ॒स्मान् । अ॒स्माꣳ
 अधि॒पतीन् । अधि॒पतीन् करो॑तु । अधि॒पती॑नित्यधि॑-पतीन् । करो॑तु
 वय॑म् । वय॑ꣳ स्या॑म । स्या॑म पत॑यः । पत॑यो रयी॑णाम् । रयी॑णामिति॑
 रयी॑णाम् ॥ गो॒माꣳ अग्ने॑ । गो॒मानि॑ति गो॑ – मा॒न् । अग्ने॑ऽवि॒मान् ।
 अवि॒माꣳ अश्वी॑ । अवि॒मानि॑त्यवि॑ – मा॒न् । अश्वी॑ य॒ज्ञः ।
 य॒ज्ञो नृ॒व॒थ्सखा॑ । नृ॒व॒थ्सखा॑ सद॑म् । नृ॒व॒थ्सखे॑ति नृ॒वत् – सखा॑ ।
 सद॑मित् । इद॑प्रमृ॒ष्यः । अ॒प्रमृ॒ष्य इत्य॑प्र – मृ॒ष्यः ॥ इडा॑वाꣳ ए॒षः ।

इ॒डा॒वा॒नि॒ती॒डा॒ – वा॒न् । ए॒षो॒ अ॒सुरः॑ । अ॒सुर॒ प्र॒जा॒वा॒न् । प्र॒जा॒वा॒न्
दी॒र्घः॑ । प्र॒जा॒वा॒नि॒ति॒ प्र॒जा – वा॒न् । दी॒र्घो॒ र॒यिः॑ । र॒यिः॑ पृ॒थु॒बु॒ध्नः॑ ।
पृ॒थु॒बु॒ध्नः॑ स॒भा॒वा॒न् । पृ॒थु॒बु॒ध्न इति॑ पृ॒थु – बु॒ध्नः॑ ।

स॒भा॒वा॒नि॒ति॒ स॒भा – वा॒न् ॥ 20 (35/43)

(द्वि॒ष्मः–सु॒वीर्य॑–स आ–पञ्च॒त्रिं॑शच्च) (A6)

T.S.1.6.7.1 - Kramam

यथा॑ वै । वै स॒मृत॒सो॒मा । स॒मृत॒सो॒मा ए॒वम् । स॒मृत॒सो॒मा इति॑
स॒मृत – सो॒माः । ए॒वं वै । वा ए॒ते । ए॒ते स॒मृत॒य॒ज्ञाः॑ । स॒मृत॒य॒ज्ञा
यत् । स॒मृत॒य॒ज्ञा इति॑ स॒मृत – य॒ज्ञाः॑ । यद् द॒र्श॒श॒पूर्ण॒मा॒सौ ।
द॒र्श॒श॒पूर्ण॒मा॒सौ क॒स्य॑ । द॒र्श॒श॒पूर्ण॒मा॒सा॒वि॒ति॒ द॒र्श – पूर्ण॒मा॒सौ ।
क॒स्य॑ वा । वाऽह॑ । अ॒ह दे॒वाः॑ । दे॒वा य॒ज्ञम् । य॒ज्ञमा॒गच्छ॑न्ति ।
आ॒गच्छ॑न्ति क॒स्य॑ । आ॒गच्छ॑न्ती॒त्या–गच्छ॑न्ति । क॒स्य॑ वा । वा न ।
न ब॒हूना॑म् । ब॒हूनां॑ य॒जमा॒नाना॑म् । य॒जमा॒नानां॑ यः । यो वै ।
वै दे॒वताः॑ । दे॒वताः॑ पूर्॒वः । पूर्॒वः प॒रिगृ॑ह्णाति । प॒रिगृ॑ह्णाति सः ।
प॒रिगृ॑ह्णातीति॑ प॒रि – गृ॑ह्णाति ॥ स ए॒नाः॑ । ए॒नाः॑ श्वः । श्वो भू॒ते ।
भू॒ते य॒जते॑ । य॒जत ए॒तत् । ए॒तद् वै । वै दे॒वाना॑म् । दे॒वाना॑मा॒यत॑नम् ।

आ॒य॒त॒नं॑ य॒त् । आ॒य॒त॒न॒मि॒त्या॑ – य॒त॒न॒म् । य॒दा॒ह॒व॒नी॒यः॑ ।
 आ॒ह॒व॒नी॒यो॒न्त॒रा॑ । आ॒ह॒व॒नी॒य॒ इ॒त्या॑ – ह॒व॒नी॒यः॑ । अ॒न्त॒रा॒ग्नी॑ ।
 अ॒ग्नी॑ प॒शू॒ना॒म् । अ॒ग्नी॑ इ॒त्य॒ग्नी॑ । प॒शू॒ना॒म् गा॒र्ह॒प॒त्यः॑ ।
 गा॒र्ह॒प॒त्यो॑ म॒नु॒ष्या॒णाम्॑ । गा॒र्ह॒प॒त्य॒ इति॑ गा॒र्ह॒ – प॒त्यः॑ ।
 म॒नु॒ष्या॒णाम॒न्वा॒हार्य॑प॒च॒नः॑ । अ॒न्वा॒हार्य॑प॒च॒नः॑ पि॒तृ॒णाम्॑ ।
 अ॒न्वा॒हार्य॑प॒च॒न॒ इत्य॑न्वा॒हार्य॑ – प॒च॒नः॑ । पि॒तृ॒णाम॒ग्नि॒म् । अ॒ग्नि॒म्
 गृ॒ह्णा॒ति॑ । गृ॒ह्णा॒ति॑ स्वे॑ । स्व॒ ए॒व । ए॒वा॒य॒त॒ने॑ । आ॒य॒त॒ने॑ दे॒व॒ताः॑ ।
 आ॒य॒त॒न॒ इत्या॑ – य॒त॒ने॑ । दे॒व॒ताः॑ परि॑ । परि॑ गृ॒ह्णा॒ति॑ । 21 (50/61)

T.S.1.6.7.2 - Kramam

गृ॒ह्णा॒ति॒ ताः॑ । ताः॑ श्वः॑ । श्वो॑ भू॒ते॑ । भू॒ते॑ य॒ज॒ते॑ । य॒ज॒ते॑ व्र॒ते॒न॑ ।
 व्र॒ते॒न॑ वै । वै मे॒द्ध्यः॑ । मे॒द्ध्यो॑ऽग्निः॑ । अ॒ग्नि॒र् व्र॒त॒प॒तिः॑ ।
 व्र॒त॒प॒ति॒र् ब्रा॒ह्म॒णः॑ । व्र॒त॒प॒ति॒रिति॑ व्र॒त – प॒तिः॑ । ब्रा॒ह्म॒णो॑ व्र॒त॒भृ॒त् ।
 व्र॒त॒भृ॒द् व्र॒त॒म् । व्र॒त॒भृ॒दिति॑ व्र॒त – भृ॒त् । व्र॒त॒मु॒पै॒ष्य॒न् । उ॒पै॒ष्य॒न्
 ब्रू॒या॒त् । उ॒पै॒ष्य॒न्नित्यु॒प – ए॒ष्य॒न् । ब्रू॒या॒द॒ग्ने॑ । अ॒ग्ने॑ व्र॒त॒प॒ते॑ । व्र॒त॒प॒ते॑
 व्र॒त॒म् । व्र॒त॒प॒त॒ इति॑ व्र॒त – प॒ते॑ । व्र॒त॒म् च॒रि॒ष्या॒मि॑ । च॒रि॒ष्या॒मी॒ति॑ ।

इ॒त्य॒ग्निः । अ॒ग्नि॒र् वै । वै दे॒वाना॑म् । दे॒वानां॑ व्र॒तप॑तिः ।
 व्र॒तप॑तिस्तस्मै॑ । व्र॒तप॑तिरिति॑ व्र॒त - प॑तिः । तस्मा॑ ए॒व ।
 ए॒व प्र॑तिप्रोच्य । प्र॒तिप्रो॑च्य व्र॒तम् । प्र॒तिप्रो॑च्येति॑ प्र॒ति - प्रो॑च्य ।
 व्र॒त मा । आ ल॑भते । ल॒भते॑ ब॒र्हिषा॑ । ब॒र्हिषा॑ पू॒र्णमा॑से ।
 पू॒र्णमा॑से व्र॒तम् । पू॒र्णमा॑स इति॑ पू॒र्ण - मा॑से । व्र॒तमु॑प । उपै॑ति ।
 ए॒ति व॑थ्सैः । व॒थ्सैर॑मावास्यायाम् । अ॒मावा॑स्यायामेतत् ।
 अ॒मावा॑स्यायामित्य॑मा - वा॒स्यायाम् । ए॒तद्धि॑ । ह्ये॒तयोः॑ ।
 ए॒तयो॑रा॒यत॑नम् । आ॒यत॑नमु॒पस्ती॑र्यः । आ॒यत॑नमित्या॑ - य॒तन॑म् ।
 उ॒पस्ती॑र्यः पू॒र्वः । उ॒पस्ती॑र्य इत्यु॑प - स्ती॑र्यः । पू॒र्वश्च॑ । चा॒ग्निः ।
 अ॒ग्निर॑परः । अ॒परश्च॑ । चे॒ति । इ॒त्याहुः॑ । आ॒हुर् म॒नुष्याः॑ ।
 म॒नुष्या॑ इत् । 22 (50/60)

T.S.1.6.7.3 - Kramam

इ॒न्नु । न्वै । वा उ॒पस्ती॑र्णम् । उ॒पस्ती॑र्णमिच्छ॑न्ति ।
 उ॒पस्ती॑र्णमित्यु॑प - स्ती॑र्णम् । इ॒च्छन्ति॑ किम् । कि॒मु ।
 उ दे॒वाः । दे॒वा येषा॑म् । येषा॑म् न॒वाव॑सानम् । न॒वाव॑सानमु॒प ।
 न॒वाव॑सानमि॒तिन॑व - अ॒वसा॑नम् । उ॒पास्मि॑न् । अ॒स्मिञ्छ्वः॑ ।

श्वो॑ य॒क्ष्यमाणे॑ । य॒क्ष्यमाणे॑ दे॒वताः॑ ॥ दे॒वता॑ वसन्ति । वसन्ति॑ यः ।
 य ए॒वम् । एवं॑ वि॒द्वान् । वि॒द्वानग्नि॑म् । अ॒ग्निमु॑पस्तृणाति ।
 उप॒स्तृणाति॑ यज॒मानेन॑ । उप॒स्तृणातीत्यु॑प – स्तृणाति॑ । यज॒मानेन॑
 ग्राम्याः॑ । ग्राम्याश्च॑ । च प॒शवः॑ । प॒शवो॑ऽवरु॒द्ध्याः॑ । अ॒वरु॒द्ध्या
 आ॒रण्याः॑ । अ॒वरु॒द्ध्या इत्य॑व – रु॒द्ध्याः॑ । आ॒रण्याश्च॑ । चेति॑ ।
 इत्याहुः॑ । आहु॒र् यत् । यद् ग्राम्यान्॑ । ग्राम्या॒नुप॑वसति । उप॒वसति॑
 तेन॑ । उप॒वसतीत्यु॑प – वसति॑ । तेन॑ ग्राम्यान्॑ । ग्राम्या॒नव॑ । अ॒व
 रुन्धे॑ । रुन्धे॑ यत् । यदा॒रण्यस्य॑ । आ॒रण्यस्या॑श्नाति । अ॒श्नाति॑ तेन॑ ।
 तेना॒रण्यान्॑ । आ॒रण्यान् यत् । यदना॑श्चान् । अना॑श्चानुप॒वसेत्॑ ।
 उप॒वसेत्॑ पितृ॒देव॑त्यः । उप॒वसे॑दित्यु॒प-वसे॑त् । पितृ॒देव॑त्यः स्यात् ।
 पितृ॒देव॑त्य इति॑ पितृ – दे॒वत्यः॑ । स्यादा॒रण्यस्य॑ । आ॒रण्यस्या॑श्नाति ।

अ॒श्नातीन्द्रि॑यम् । इन्द्रि॑यं वै । 23 (50/57)

T.S.1.6.7.4 - Kramam

वा आ॒रण्यम् । आ॒रण्यमिन्द्रि॑यम् । इन्द्रि॑यमे॒व । ए॒वात्म॑न् ।
 आ॒त्मन् ध॑त्ते । ध॑त्ते यत् । यदना॑श्चान् । अना॑श्चानुप॒वसेत्॑ ।

उ॒प॒व॒से॒त् क्षो॑धुकः । उ॒प॒व॒से॒दित्यु॑प – व॒से॒त् । क्षो॑धुकः स्यात् ।
 स्याद् यत् । यद॑र॒नीयात् । अ॒र॒नीयाद् रु॒द्रः । रु॒द्रोऽस्य॑ । अ॒स्य प॒शून् ।
 प॒शून्भि॑ । अ॒भि म॒न्ये॒त । म॒न्ये॒तापः॑ । अ॒पोऽर॑नाति । अ॒र॒नाति॑ तत् ।
 तन्न॑ । नै॒व । इ॒वा॒शित॑म् । अ॒शित॑म् न । नै॒व । इ॒वा॒न॒शित॑म् ।
 अ॒न॒शित॑म् न । न क्षो॑धुकः । क्षो॑धु॒को भ॑वति । भ॑वति न । ना॒स्य ।
 अ॒स्य रु॒द्रः । रु॒द्रः प॒शून् । प॒शून्भि॑ । अ॒भि म॒न्यते॑ । म॒न्यते॑ व॒ज्रः ।
 व॒ज्रो वै । वै य॒ज्ञः । य॒ज्ञः क्षु॑त् । क्षु॑त् ख॒लु । ख॒लु वै ।
 वै म॒नु॒ष्यस्य॑ । म॒नु॒ष्यस्य॑ भ्रातृ॒व्यः । भ्रातृ॒व्यो यत् । यद॑ना॒श्वान् ।
 अ॒ना॒श्वानु॑प॒वस॑ति । उ॒प॒वस॑ति व॒ज्रेण॑ । उ॒प॒वस॑तीत्यु॑प – व॒सति॑ ।
 व॒ज्रेणै॑व । ए॒व सा॒क्षात् () । सा॒क्षात् क्षु॑धम् । सा॒क्षादि॑ति
 स – अ॒क्षात् । क्षु॑धम् भ्रातृ॒व्यम् । भ्रातृ॒व्यं ह॑न्ति ।
 ह॑न्तीति ह॑न्ति ॥ 24 (53/56)

(परि॑-म॒नु॒ष्या-इ॒न्द्रि॒य-सा॒क्षात्-त्री॒णि च॑) (A7)

T.S.1.6.8.1 - Kramam

यो॒ वै । वै श्र॑द्धाम् । श्र॑द्धाम॒नार॑भ्य । श्र॑द्धामि॒ति श्र॑त् – धाम् ।
 अ॒नार॑भ्य य॒ज्ञेन॑ । अ॒नार॑भ्येत्य॒ना – र॑भ्य । य॒ज्ञेन॑ य॒जते॑ । य॒जते॑ न ।

प्रथम काण्डे – षष्ठः प्रश्नः – (TS 1.6)

नास्य॑ । अस्यै॒ष्टाय॑ । इ॒ष्टाय॑ श्रत् । श्रद् दध॑ते । दध॑तेऽपः । अपः प्र ।
प्रण॑यति । नय॑ति श्रद्धा॑ । श्रद्धा॑ वै । श्रद्धे॑ति श्रत् – धा । वा आपः॑ ।
आपः॑ श्रद्धाम् । श्रद्धामे॒व । श्रद्धामि॑ति श्रत् – धाम् । ए॒वारभ्य॑ ।
आर॑भ्य य॒ज्ञेन॑ । आर॑भ्येत्या॑ – रभ्य॑ । य॒ज्ञेन॑ यज॑ते । यज॑त उ॒भये॑ ।
उ॒भये॑ऽस्य । अस्य॑ दे॒वमनु॑ष्याः । दे॒वमनु॑ष्या इ॒ष्टाय॑ । दे॒वमनु॑ष्या इति॑
दे॒व – मनु॑ष्याः । इ॒ष्टाय॑ श्रत् । श्रद् दध॑ते । दध॑ते तत् । तदाहुः॑ ।
आ॒हु॒रति॑ । अति॑ वै । वा ए॒ताः । ए॒ता व॒र्त्रम् । व॒र्त्रम् ने॑दन्ति ।
ने॑दन्त्यति॑ । अति॑ वाच॑म् । वाच॑म् मनः॑ । मनो॑ वाव । वावै॒ताः ।
ए॒ता न । नाति॑ । अति॑ ने॑दन्ति । ने॑दन्तीति॑ । इति॑ मन॑सा । मन॑सा प्र ।
प्रण॑यति । नय॑तीयम् । इ॒यं वै॑ । वै मनः॑ । मनो॑ऽनया॑ । 25 (50/56)

T.S.1.6.8.2 - Kramam

अन॑यैव । ए॒वैनाः॑ । ए॒नाः प्र । प्रण॑यति । नय॑त्यस्क॑न्नह॒विः ।
अस्क॑न्नह॒विर् भव॑ति । अस्क॑न्नह॒विरित्य॑स्क॑न्न – ह॒विः । भव॑ति यः ।
य ए॒वम् । ए॒वं वै॑द । वै॒द य॒ज्ञायु॑धानि॑ । य॒ज्ञायु॑धानि॑ सम् ।
य॒ज्ञायु॑धानीति॑ य॒ज्ञ – आयु॑धानि॑ । सम्भ॑रति । भ॒रति॑ य॒ज्ञः ।

य॒ज्ञो वै । वै य॒ज्ञायु॑धानि । य॒ज्ञायु॑धानि य॒ज्ञम् । य॒ज्ञायु॑धानीति ।
य॒ज्ञ - आयु॑धानि । य॒ज्ञमे॒व । ए॒व तत् । तथ् सम् । सम्भ॑रति ।
भरति॑ यत् । यदे॒कमे॒कम् । ए॒कमे॒कं॑ सम्भ॑रेत् ।
ए॒कमे॒कमित्ये॒कं॑ - ए॒कम् । सम्भ॑रेत् पितृ॑दे॒वत्या॑नि । सम्भ॑रेदिति॑
सं - भ॑रेत् । पितृ॑दे॒वत्या॑नि स्युः । पितृ॑दे॒वत्या॑नीति॑ पितृ॑-दे॒वत्या॑नि ।
स्युर् यत् । यथ् स॒ह । स॒ह सर्वा॑णि । सर्वा॑णि मा॒नुषा॑णि ।
मा॒नुषा॑णि द्वे॒द्वे । द्वे॒द्वे सम् । द्वे॒द्वे इति॑ द्वे - द्वे । सम्भ॑रति ।
भरति॑ या॒ज्यानु॑वाक्ययोः । या॒ज्यानु॑वाक्ययोरे॒व । या॒ज्यानु॑वाक्ययोरिति॑
या॒ज्या - अनु॑वाक्ययोः । ए॒व रू॒पम् । रू॒पम् करो॑ति । करो॑त्यथो॑ ।
अथो॑ मिथु॒नम् । अथो॑ इत्यथो॑ । मिथु॒नमे॒व । ए॒व यः । यो वै ।
वै द॒श । द॒श य॒ज्ञायु॑धानि । य॒ज्ञायु॑धानि वे॒द । य॒ज्ञायु॑धानीति॑
य॒ज्ञ - आयु॑धानि । वे॒दमु॒खतः॑ । मु॒खतो॑ऽस्य । अ॒स्य य॒ज्ञः ।
य॒ज्ञः क॑ल्पते । क॑ल्पते स्फ्यः । स्फ्यश्च । 26 (50/60)

T.S.1.6.8.3 - Kramam

च क॑पालानि । क॑पालानि च । चा॒ग्निहो॑त्रहवणी । अ॒ग्निहो॑त्रहवणी च ।
अ॒ग्निहो॑त्रहवणीत्य॒ग्निहो॑त्र - ह॒वनी । च शूर्प॑म् । शूर्प॑म् च ।

च कृ॒ष्णाजि॒नम् । कृ॒ष्णाजि॒नम् च । कृ॒ष्णाजि॒नमि॒ति
 कृ॒ष्ण – अजि॒नम् । च श॒म्या । श॒म्या च । चो॒लूख॒लम् ।
 उ॒लूख॒लम् च । च मु॒सलम् । मु॒सलम् च । च दृ॒षत् । दृ॒षच्च ।
 चो॒पला । उ॒पला च । चै॒तानि॑ । ए॒तानि॑ वै । वै द॒श ।
 द॒श य॒ज्ञायु॑धानि॑ । य॒ज्ञायु॑धानि॑ यः । य॒ज्ञायु॑धानीति॑ य॒ज्ञ-आ॒युधा॑नि ।
 य ए॒वम् । ए॒वं वै॒द । वै॒द मु॒खतः॑ । मु॒खतो॑ऽस्य । अ॒स्य य॒ज्ञः ।
 य॒ज्ञः क॒ल्पते॑ । क॒ल्पते॑ यः । यो॒ वै । वै दे॒वेभ्यः॑ । दे॒वेभ्यः॑
 प्र॒तिप्रो॑च्य । प्र॒तिप्रो॑च्य य॒ज्ञेन॑ । प्र॒तिप्रो॑च्येति॑ प्र॒ति – प्रो॑च्य ।
 य॒ज्ञेन॑ य॒जते॑ । य॒जते॑ जु॒षन्ते॑ । जु॒षन्ते॑ऽस्य । अ॒स्य दे॒वाः ।
 दे॒वा ह॒व्यम् । ह॒व्यं ह॒विः । ह॒विर् नि॒रुप्य॑माणम् । नि॒रुप्य॑माणम॒भि ।
 नि॒रुप्य॑माणमि॒ति निः-उ॒प्यमा॑नम् । अ॒भि म॒न्त्रये॑त । म॒न्त्रये॑ताग्निम् ।
 अ॒ग्निं हो॑तारम् । हो॒तारमि॒ह । इ॒ह तम् । तं हु॑वे । हु॒व इति॑ ।
 इति॑ दे॒वेभ्यः॑ । 27 (50/55)

T.S.1.6.8.4 - Kramam

दे॒वेभ्य॑ ए॒व । ए॒व प्र॑तिप्रो॒च्य । प्र॑तिप्रो॒च्य य॒ज्ञेन॑ । प्र॑तिप्रो॒च्येति॑
 प्र॑ति – प्रो॒च्य । य॒ज्ञेन॑ य॒जते॑ । य॒जते॑ जु॒षन्ते॑ ॥ जु॒षन्ते॑ऽस्य॑ ।
 अ॒स्य दे॒वाः । दे॒वा ह॒व्यम् । ह॒व्यमेषः॑ । ए॒ष वै । वै य॒ज्ञस्य॑ । य॒ज्ञस्य॑
 ग्र॒हः । ग्र॒हो गृ॒हीत्वा । गृ॒हीत्वै॒व । ए॒व य॒ज्ञेन॑ । य॒ज्ञेन॑ य॒जते॑ । य॒जते॑
 तत् । तदु॒दित्वा॑ । उ॒दित्वा॑ वा॒चम् । वा॒चं य॑च्छति । य॒च्छति॑ य॒ज्ञस्य॑ ।
 य॒ज्ञस्य॑ धृ॒त्यै ॥ धृ॒त्या अथो॑ ॥ अथो॑ म॒नसा॑ । अथो॑ इत्यथो॑ । म॒नसा॑
 वै । वै प्र॒जाप॑तिः । प्र॒जाप॑तिर् य॒ज्ञम् । प्र॒जाप॑तिरिति॑ प्र॒जा – प॑तिः ।
 य॒ज्ञम॑तनु॒त । अ॒तनु॒त म॒नसा॑ । म॒नसै॒व । ए॒व तत् । तद् य॒ज्ञम् ।
 य॒ज्ञम् त॑नुते । त॒नुते॑ रक्ष॒साम् । रक्ष॒साम॑नन्व॒वचा॑राय । अ॒नन्व॒वचा॑राय
 यः । अ॒नन्व॒वचा॑रायेत्य॒ननु॑ – अ॒वचा॑राय । यो वै । वै य॒ज्ञम् । य॒ज्ञं
 यो॒गे ॥ यो॒ग आ॑गते । आ॒गते॑ यु॒नक्ति॑ । आ॒गत॑ इत्या॒गते॑ । यु॒नक्ति॑
 यु॒ङ्क्ते॑ । यु॒ङ्क्ते॑ यु॒ञ्जाने॑षु । यु॒ञ्जाने॑षु कः । क॒स्त्वा । त्वा यु॒नक्ति॑ ।
 यु॒नक्ति॑ सः । स त्वा । त्वा यु॒नक्तु॑ () । यु॒नक्ति॑त्विति॑ । इत्या॒ह ।
 आ॒ह प्र॒जाप॑तिः । प्र॒जाप॑तिर् वै । प्र॒जाप॑तिरिति॑ प्र॒जा – प॑तिः ।

वै कः । कः प्रजापतिना । प्रजापतिनैव । प्रजापतिनेति
 प्रजा – पतिना । ए॒वैन॑म् । ए॒नं यु॑नक्ति । यु॒नक्ति॑ यु॒ङ्क्ते॑ ।
 यु॒ङ्क्ते॑ यु॒ञ्जाने॑षु । यु॒ञ्जाने॑ष्विति यु॒ञ्जाने॑षु ॥ 28 (61/68)

(वैमनः-स्फ्य-इति-युनक्त्वे-कादश च) (AĒ8)

T.S.1.6.9.1 - Kramam

प्रजापति॑र् य॒ज्ञान् । प्रजापति॑रिति प्रजा – पतिः । य॒ज्ञान॑सृजत ।
 अ॒सृज॑ताग्निहो॒त्रम् । अ॒ग्निहो॒त्रम् च॑ । अ॒ग्निहो॒त्रमि॒त्यग्नि॑ – हो॒त्रम् ।
 चा॒ग्निष्टो॒मम् । अ॒ग्निष्टो॒मम् च॑ । अ॒ग्निष्टो॒ममि॒त्यग्नि॑ – स्तो॒मम् ।
 च पौ॒र्णमा॑सीम् । पौ॒र्णमा॑सीम् च । पौ॒र्णमा॑सीमिति पौ॒र्ण-मा॑सीम् ।
 चो॒क्थ्यम् । उ॒क्थ्यम् च॑ । चा॒मावा॑स्याम् । अ॒मावा॑स्याम् च॑ ।
 अ॒मावा॑स्यामि॒त्यमा॑ – वा॒स्याम् । चा॒तिरा॑त्रम् । अ॒तिरा॑त्रम् च॑ ।
 अ॒तिरा॑त्रमि॒त्यति॑ – रा॒त्रम् । च॒ तान् । तानु॑त् । उ॒दमि॑मीत ।
 अ॒मिमी॑त यावत् । याव॑द॒ग्निहो॒त्रम् । अ॒ग्निहो॒त्रमा॑सीत् ।
 अ॒ग्निहो॒त्रमि॒त्यग्नि॑ – हो॒त्रम् । आ॑सीत् ता॒वान् । ता॒वान॑ग्निष्टो॒मः ।
 अ॒ग्निष्टो॒मो या॑वती । अ॒ग्निष्टो॒म इ॒त्यग्नि॑ – स्तो॒मः ।

याव॑ती पौ॒र्णमा॑सी । पौ॒र्णमा॑सी तावान् । पौ॒र्णमा॑सीति पौ॒र्ण-मा॑सी ।
 तावानु॑क्थ्यः । उक्थ्यो॑ याव॑ती । याव॑त्यमावास्या॑ । अमावास्या॑
 तावान् । अमावा॑स्येत्यमा - वास्या॑ । तावान॑तिरात्रः । अतिरा॑त्रो यः ।
 अतिरा॑त्र इत्यति - रात्रः । य ए॒वम् । एवं॑ वि॒द्वान् । वि॒द्वानग्नि॑होत्रम् ।
 अग्नि॑होत्रम् जुहोति । अग्नि॑होत्रमित्यग्नि-होत्रम् । जुहोति॑ यावत् ।
 यावद॑ग्निष्टोमेन । अग्नि॑ष्टोमेनोपा॒प्नोति॑ ।
 अग्नि॑ष्टोमेनेत्यग्नि - स्तोमेन । उपा॒प्नोति॑ तावत् ।
 उपा॒प्नोतीत्युप - आ॒प्नोति॑ । तावदु॑प । उपा॒प्नोति॑ । आ॒प्नोति॑ यः ।
 य ए॒वम् । एवं॑ वि॒द्वान् । वि॒द्वान् पौ॒र्णमा॑सीम् । पौ॒र्णमा॑सीं यज॑ते ।
 पौ॒र्णमा॑सीमिति पौ॒र्ण - मा॑सीम् । यज॑ते यावत् । यावदु॑क्थ्येन ।
 उक्थ्ये॑नोपा॒प्नोति॑ । उपा॒प्नोति॑ तावत् ।
 उपा॒प्नोतीत्युप - आ॒प्नोति॑ । 29 (50/66)

T.S.1.6.9.2 - Kramam

तावदु॑प । उपा॒प्नोति॑ । आ॒प्नोति॑ यः । य ए॒वम् । एवं॑ वि॒द्वान् ।
 वि॒द्वानमावा॑स्याम् । अमावास्यां॑ यज॑ते ।
 अमावा॑स्यामित्यमा - वास्याम् । यज॑ते यावत् । यावद॑तिरात्रेण ।

अति॒रात्रे॑णो॒पा॒प्नोति॑ । अति॒रात्रे॑णेत्यति – रात्रे॑ण । उपा॒प्नोति॑ तावत् ।
उपा॒प्नोतीत्यु॑प – आ॒प्नोति॑ । तावदु॑प । उपा॒प्नोति॑ । आ॒प्नोति॑
परमे॑ष्ठिनः । परमे॑ष्ठिनो वै । वा ए॒षः । ए॒ष य॒ज्ञः । य॒ज्ञोऽग्ने॑ । अ॒ग्र
आसीत् । आसीत् तेन । तेन सः । स पर॑माम् । पर॑माम् का॒ष्ठाम् ।
का॒ष्ठाम॒गच्छत् । अ॒गच्छत् तेन॑ । तेन॑ प्र॒जाप॑तिम् । प्र॒जाप॑तिम्
नि॒रवा॑साययत् । प्र॒जाप॑तिमिति प्र॒जा – प॑तिम् । नि॒रवा॑साययत् तेन॑ ।
नि॒रवा॑साययदिति निः – अ॒वासा॑ययत् । तेन॑ प्र॒जाप॑तिः ।
प्र॒जाप॑तिः पर॑माम् । प्र॒जाप॑तिरिति प्र॒जा – प॑तिः । पर॑माम् का॒ष्ठाम् ।
का॒ष्ठाम॒गच्छत् । अ॒गच्छत् तेन॑ । तेने॑न्द्रम् । इन्द्र॑म् नि॒रवा॑साययत् ।
नि॒रवा॑साययत् तेन॑ । नि॒रवा॑साययदिति निः – अ॒वासा॑ययत् । तेने॑न्द्रः ।
इन्द्रः॑ पर॑माम् । पर॑माम् का॒ष्ठाम् । का॒ष्ठाम॒गच्छत् । अ॒गच्छत् तेन॑ ।
तेना॒ग्नी॒षोमौ॑ । अ॒ग्नी॒षोमौ॑ नि॒रवा॑साययत् ।
अ॒ग्नी॒षोमा॒वित्य॑ग्नी – सोमौ॑ । नि॒रवा॑साययत् तेन॑ । नि॒रवा॑साययदिति
निः – अ॒वासा॑ययत् । तेना॒ग्नी॒षोमौ॑ । अ॒ग्नी॒षोमौ॑ पर॑माम् ।

अ॒ग्नी॒षो॒मा॒वित्य॒ग्नी – सोमौ॑ । प॒र॒मा॒म् का॒ष्ठाम् । का॒ष्ठाम॑गच्छताम् ।

अगच्छतां यः । य एवम् । 30 (50/60)

T.S.1.6.9.3 - Kramam

ए॒वं वि॒द्वान् । वि॒द्वान् द॒र्.श॑पूर्णमा॒सौ । द॒र्.श॑पूर्णमा॒सौ य॑जते ।
द॒र्.श॑पूर्णमा॒सावि॑ति द॒र्.श॑-पूर्णमा॒सौ । य॑जते प॒र॒मा॒म् । प॒र॒मा॒मे॒व ।
ए॒व का॒ष्ठाम् । का॒ष्ठाम् ग॑च्छति । ग॒च्छति॑ यः । यो॒ वै । वै प्र॑जातेन ।
प्र॑जातेन य॒ज्ञेन॑ । प्र॑जातेनेति प्र-जातेन । य॒ज्ञेन॑ यजते । यजते प्र ।
प्र प्र॑जया । प्र॑जया प॒शुभिः॑ । प्र॑जयेति प्र – जया॑ । प॒शुभिर्
मि॒थुनैः॑ । प॒शुभिरि॑ति प॒शु-भिः॑ । मि॒थुनैर् जा॑यते । जा॒यते॑ द्वा॒दश॑ ।
द्वा॒दश॑ मा॒साः । मा॒साः स॒म्व॑त्स॒रः । स॒म्व॑त्स॒रो द्वा॒दश॑ ।
स॒म्व॑त्स॒र इति॑ सं – व॒त्स॒रः । द्वा॒दश॑ द्व॒न्द्वानि॑ । द्व॒न्द्वानि॑
द॒र्.श॑पूर्णमा॒सयोः॑ । द्व॒न्द्वानी॑ति द्व॒म्-द्वानि॑ । द॒र्.श॑पूर्णमा॒सयो॑स्तानि ।
द॒र्.श॑पूर्णमा॒सयोरि॑ति द॒र्.श॑ – पूर्णमा॒सयोः॑ । तानि॑ स॒म्पा॒द्यानि॑ ।
स॒म्पा॒द्यानी॑ति । स॒म्पा॒द्यानी॑ति स॒म् – पा॒द्यानि॑ । इ॒त्याहुः॑ ।
आ॒हुर् व॒त्स॒म् । व॒त्स॒म् च॑ । चो॒पाव॑सृजति । उ॒पाव॑सृजत्यु॒खाम् ।
उ॒पाव॑सृजतीत्यु॒प – अ॒व॒सृज॑ति । उ॒खाम् च॑ । चा॒धि ।

अधि॑ श्रय॑ति । श्रय॑त्यव॑ । अव॑ च । च॑ ह॒न्ति । ह॒न्ति दृ॒षदौ॑ । दृ॒षदौ॑
च । च॑ समा॑ह॒न्ति । समा॑ह॒न्त्यधि॑ । समा॑ह॒न्तीति॑ सम् – आ॑ह॒न्ति ।
अधि॑ च । च॑ वप॑ते । वप॑ते क॒पालानि॑ । क॒पालानि॑ च । चो॒प ।
उप॑ दधा॑ति । द॒धाति॑ पु॒रोडा॑शम् । पु॒रोडा॑शम् च ।

चाधि॑श्रय॑ति । 31 (50/60)

T.S.1.6.9.4 - Kramam

अधि॑श्रय॑त्याज्य॑म् । अधि॑श्रय॑तीत्य॑धि – श्रय॑ति । आ॒ज्यम् च॑ ।
च॑ स्त॒म्बय॑जुः । स्त॒म्बय॑जुश्च । स्त॒म्बय॑जुरि॒ति स्त॒म्ब – य॑जुः ।
च॑ हर॑ति । हर॑त्यभि॑ । अभि॑ च । च॑ गृ॒ह्णाति॑ । गृ॒ह्णाति॑ वे॒दिम् ।
वे॒दिम् च॑ । च॑ परि॑गृ॒ह्णाति॑ । परि॑गृ॒ह्णाति॑ प॒त्नीम् । परि॑गृ॒ह्णातीति॑
परि॑ – गृ॒ह्णाति॑ । प॒त्नीम् च॑ । च॑ सम् । सम् न॒ह्यति॑ । न॒ह्यति॑
प्रो॑क्षणीः । प्रो॑क्षणीश्च । प्रो॑क्षणीरि॒ति प्र – उ॑क्षणीः । चा॒साद॑यति ।
आ॒साद॑य॒त्याज्य॑म् । आ॒साद॑य॒तीत्या॑ – सा॒दय॑ति । आ॒ज्यम् च॑ ।
चै॒तानि॑ । ए॒तानि॑ वै । वै द्वा॒दश॑ । द्वा॒दश॑ द्व॒न्द्वानि॑ । द्व॒न्द्वानि॑
दर्॒शपूर्ण॑मा॒सयोः॑ । द्व॒न्द्वानीति॑ द्वम् – द्वानि॑ । दर्॒शपूर्ण॑मा॒सयोस्तानि॑ ।

दर्॒श॒पूर्ण॒मा॒सयो॒रिति॑ दर्॒श - पूर्ण॒मा॒सयोः॑ । तानि॒ यः । य॒ ए॒वम् ।
 ए॒व॒ सम्पा॒द्य । सम्पा॒द्य य॒जते॑ । सम्पा॒द्येति॑ सम् - पा॒द्य ।
 य॒जते॑ प्र॒जाते॑न । प्र॒जाते॑नै॒व । प्र॒जाते॑नेति॑ प्र - जा॒तेन॑ । ए॒व य॒ज्ञेन॑ ।
 य॒ज्ञेन॑ य॒जते॑ । य॒जते॑ प्र । प्र॒ प्र॒जया॑ । प्र॒जया॑ प॒शुभिः॑ । प्र॒जेये॑ति
 प्र - जया॑ । प॒शुभिर् मि॒थुनैः॑ । प॒शुभि॒रिति॑ प॒शु - भिः ।
 मि॒थुनैर् जा॒यते॑ । जा॒यत॑ इति॑ जा॒यते॑ ॥ 32 (40/51)

(उ॒क्थ्ये॑नोपा॒प्नोत्य॑-गच्छतां॑ यैः- पुरो॑डाशं-चत्वारि॑ंशच्च) (A9)

T.S.1.6.10.1 - Kramam

ध्रु॒वो॒ऽसि॑ । अ॒सि ध्रु॒वः । ध्रु॒वो॒ऽहम् । अ॒ह॒ सम्जा॑तेषु । स॒जाते॑षु
 भू॒यास॑म् । स॒जाते॑ष्विति॑ स - जा॒तेषु॑ । भू॒यास॑मिति॑ । इत्या॒ह । आ॒ह
 ध्रु॒वान् । ध्रु॒वाने॑व । ए॒वैनान् । ए॒नान् कुरु॑ते । कुरु॑त उ॒ग्रः । उ॒ग्रो॒ऽसि॑ ।
 अ॒स्यु॒ग्रः । उ॒ग्रो॒ऽहम् । अ॒ह॒ सम्जा॑तेषु । स॒जाते॑षु भू॒यास॑म् ।
 स॒जाते॑ष्विति॑ स-जा॒तेषु॑ । भू॒यास॑मिति॑ । इत्या॒ह । आ॒हाप्र॑तिवादिनः ।
 अ॒प्रति॑वादिन ए॒व । अ॒प्रति॑वादिन इत्य॑प्रति - वा॒दिनः । ए॒वैनान् ।
 ए॒नान् कुरु॑ते । कुरु॑ते॒ऽभिभूः॑ । अ॒भि भू॑रसि । अ॒भिभू॑रित्य॒भि-भूः॑ ।
 अ॒स्य॒भिभूः॑ । अ॒भिभू॑रहम् । अ॒भिभू॑रित्य॒भि - भूः॑ ।

अ॒ह॒ꣳ स॒जा॒ते॒षु । स॒जा॒ते॒षु भू॒या॒सम् । स॒जा॒ते॒ष्वि॒ति स – जा॒ते॒षु ।
 भू॒या॒स॒मि॒ति॒ । इ॒त्या॒ह । आ॒ह यः । य ए॒व । ए॒वैन॑म् । ए॒नम्
 प्र॒त्यु॒त्पि॒पी॒ते । प्र॒त्यु॒त्पि॒पी॒ते तम् । प्र॒त्यु॒त्पि॒पी॒त इति॑ प्र॒ति-उ॒त्पि॒पी॒ते ।
 तमु॒प । उपा॑स्यते । अ॒स्य॒ते यु॒नज्मि॑ । यु॒नज्मि॑ त्वा । त्वा ब्र॒ह्म॒णा ।
 ब्र॒ह्म॒णा दै॒व्ये॒न । दै॒व्ये॒ने॒ति॒ । इ॒त्या॒ह । आ॒है॒षः । ए॒ष वै । वा अ॒ग्नेः ।
 अ॒ग्नेर् यो॒गः । यो॒गस्ते॒न । ते॒नै॒व । 33 (50/57)

T.S.1.6.10.2 - Kramam

ए॒वैन॑म् । ए॒नं यु॒नक्ति॑ । यु॒नक्ति॑ य॒ज्ञस्य॑ । य॒ज्ञस्य॑ वै । वै स॒मृद्धे॑न ।
 स॒मृद्धे॑न दे॒वाः । स॒मृद्धे॑ने॒ति सं – ऋ॒द्धे॑न । दे॒वाः सु॒वर्ग॑म् । सु॒वर्गं
 लो॒कम् । सु॒वर्ग॑मि॒ति सु॒वः-ग॑म् । लो॒कमा॑यन् । आ॒यन् य॒ज्ञस्य॑ ।
 य॒ज्ञस्य॑ व्यृद्धे॑न । व्यृद्धे॑नासु॒रान् । व्यृद्धे॑ने॒ति वि – ऋ॒द्धे॑न । अ॒सुरान्
 प॒रा । प॒रा ऽभा॑वयन् । अ॒भा॒वय॑न् यत् । यन्मे॑ । मे अ॒ग्ने । अ॒ग्ने
 अ॒स्य । अ॒स्य य॒ज्ञस्य॑ । य॒ज्ञस्य॑ रि॒ष्यात् । रि॒ष्यादि॑ति । इ॒त्या॒ह । आ॒ह
 य॒ज्ञस्य॑ । य॒ज्ञस्यै॒व । ए॒व तत् । तथ् स॒मृद्धे॑न । स॒मृद्धे॑न य॒ज॒मानः॑ ।
 स॒मृद्धे॑ने॒ति स॒म् – ऋ॒द्धे॑न । य॒ज॒मानः॑ सु॒वर्ग॑म् । सु॒वर्गं लो॒कम् ।

सुवर्गमिति सुवः-गम् । लोकमेति । एति यज्ञस्य । यज्ञस्य व्यृद्धेन ।
व्यृद्धेन भ्रातृव्यान् । व्यृद्धेनेति वि - ऋद्धेन । भ्रातृव्यान् परा ।
परा भावयति । भावयत्यग्निहोत्रम् । अग्निहोत्रमेताभिः ।
अग्निहोत्रमित्यग्नि - होत्रम् । एताभिर् व्याहृतीभिः । व्याहृतीभिरुप ।
व्याहृतीभिरिति व्याहृति - भिः । उपसादयेत् । सादयेद् यज्ञमुखम् ।
यज्ञमुखं वै । यज्ञमुखमिति यज्ञ - मुखम् । वा अग्निहोत्रम् ।
अग्निहोत्रम् ब्रह्म । अग्निहोत्रमित्यग्नि - होत्रम् । ब्रह्मैताः ।
एता व्याहतयः । व्याहतयो यज्ञमुखे । व्याहतय इति वि - आहतयः ।
यज्ञमुख एव । यज्ञमुख इति यज्ञ - मुखे । एव ब्रह्म ।
ब्रह्म कुरुते । 34 (50/62)

T.S.1.6.10.3 - Kramam

कुरुते सम्वत्सरं । सम्वत्सरं पर्यागते । सम्वत्सर इति
सं - वत्सरं । पर्यागत एताभिः । पर्यागत इति परि - आगते ।
एताभिरेव । एवोप । उपसादयेत् । सादयेद् ब्रह्मणा । ब्रह्मणैव ।
एवोभयतः । उभयतः सम्वत्सरम् । सम्वत्सरम् परि ।
सम्वत्सरमिति सं - वत्सरम् । परि गृह्णाति ।

गृ॒ह्णा॒ति॒ दर्॒श॒पूर्ण॒मा॒सौ । दर्॒श॒पूर्ण॒मा॒सौ चा॒तु॒र्मा॒स्या॒नि ।
 दर्॒श॒पूर्ण॒मा॒सा॒वि॒ति॒ दर्॒श – पूर्ण॒मा॒सौ । चा॒तु॒र्मा॒स्या॒न्या॒ल॒भ॒मा॒नः ।
 चा॒तु॒र्मा॒स्या॒नी॒ति॒ चा॒तुः – मा॒स्या॒नि । आ॒ल॒भ॒मा॒न ए॒ता॒भिः ।
 आ॒ल॒भ॒मा॒न इ॒त्या – ल॒भ॒मा॒नः । ए॒ता॒भिर् व्या॒ह॒ती॒भिः । व्या॒ह॒ती॒भिर्
 ह॒वी॒ष्पि । व्या॒ह॒ती॒भिरि॒ति॒ व्या॒ह॒ति – भिः । ह॒वी॒ष्प्या । आ॒सा॒द॒ये॒त् ।
 सा॒द॒ये॒द् य॒ज्ञ॒मु॒खम् । य॒ज्ञ॒मु॒खं वै । य॒ज्ञ॒मु॒खमि॒ति॒ य॒ज्ञ – मु॒खम् ।
 वै दर्॒श॒पूर्ण॒मा॒सौ । दर्॒श॒पूर्ण॒मा॒सौ चा॒तु॒र्मा॒स्या॒नि ।
 दर्॒श॒पूर्ण॒मा॒सा॒वि॒ति॒ दर्॒श – पूर्ण॒मा॒सौ । चा॒तु॒र्मा॒स्या॒नि ब्र॒ह्म ।
 चा॒तु॒र्मा॒स्या॒नी॒ति॒ चा॒तुः – मा॒स्या॒नि । ब्र॒ह्मै॒ताः । ए॒ता व्या॒ह॒त॒यः ।
 व्या॒ह॒त॒यो य॒ज्ञ॒मु॒खे । व्या॒ह॒त॒य इ॒ति॒ वि – आ॒ह॒त॒यः । य॒ज्ञ॒मु॒ख ए॒व ।
 य॒ज्ञ॒मु॒ख इ॒ति॒ य॒ज्ञ – मु॒खे । ए॒व ब्र॒ह्म । ब्र॒ह्म कुरु॒ते । कुरु॒ते
 स॒म्व॑त्स॒रे । स॒म्व॑त्स॒रे पर्या॒ग॒ते । स॒म्व॑त्स॒र इ॒ति॒ स॒म्व॑त्स॒रे ।
 पर्या॒ग॒त ए॒ता॒भिः । पर्या॒ग॒त इ॒ति॒ परि – आ॒ग॒ते । ए॒ता॒भिरे॒व । ए॒वा ।
 आ सा॒द॒ये॒त् । सा॒द॒ये॒द् ब्र॒ह्म॒णा । ब्र॒ह्म॒णै॒व । ए॒वो॒भ॒य॒तः । उ॒भ॒य॒तः
 स॒म्व॑त्स॒रम् । स॒म्व॑त्स॒रम् परि । स॒म्व॑त्स॒रमि॒ति॒ स॒म्व॑त्स॒रम् ।

परि॑ गृ॒ह्णाति॑ । गृ॒ह्णाति॑ यत् । यद् वै । वै य॒ज्ञस्य॑ । य॒ज्ञस्य॑ सा॒म्ना॑ ।
सा॒म्ना॑ क्रि॒यते॑ । क्रि॒यते॑ रा॒ष्ट्रम् । रा॒ष्ट्रं य॒ज्ञस्य॑ । 35 (50/65)

T.S.1.6.10.4 - Kramam

य॒ज्ञस्या॑शीः । आ॒शीर् ग॒च्छति॑ । आ॒शीरि॒त्या – शीः॑ । ग॒च्छति॑ यत् ।
यदृ॒चा । ऋ॒चा वि॒शम् । वि॒शं य॒ज्ञस्य॑ । य॒ज्ञस्या॑शीः । आ॒शीर्
ग॒च्छति॑ । आ॒शीरि॒त्या – शीः॑ । ग॒च्छत्य॑थ । अथ॑ ब्रा॒ह्मणः॑ । ब्रा॒ह्मणो॑
ऽना॒शीर्के॑ण । अना॒शीर्के॑ण य॒ज्ञेन॑ । य॒ज्ञेन॑ यज॑ते । यज॑ते सा॒मिधे॑नीः ।
सा॒मिधे॑नीरनु॒वक्ष्य॑न् । सा॒मिधे॑नीरिति॑ सा॒म् – इ॒धेनीः॑ ।
अनु॒वक्ष्य॑न्नेताः । अनु॒वक्ष्य॑न्नित्यनु॒ – वक्ष्य॑न् । ए॒ता व्या॑हतीः ।
व्या॑हतीः पु॒रस्ता॑त् । व्या॑हतीरिति॑ वि – आ॑हतीः । पु॒रस्ता॑द् दध्यात् ।
दध्या॑द् ब्र॒ह्म । ब्र॒ह्मैव॑ । ए॒व प्र॑तिप॒दम् । प्र॑तिप॒दम् कुरु॑ते ।
प्र॑तिप॒दमि॑ति प्र॒ति – प॒दम् । कुरु॑ते त॒था । त॒था ब्रा॒ह्मणः॑ । ब्रा॒ह्मणः॑
सा॒शीर्के॑ण । सा॒शीर्के॑ण य॒ज्ञेन॑ । सा॒शीर्के॑णेति॑ स – आ॒शीर्के॑ण ।
य॒ज्ञेन॑ यज॑ते । यज॑ते यम् । यम् का॒मये॑त । का॒मये॑त यज॑मानम् ।
यज॑मानम् भा॒तृव्य॑म् । भा॒तृव्य॑मस्य॑ । अ॒स्य य॒ज्ञस्य॑ । य॒ज्ञस्या॑शीः ।
आ॒शीर् ग॒च्छेत् । आ॒शीरि॒त्या – शीः॑ । ग॒च्छेदिति॑ । इति॑ तस्य॑ ।

तस्यै॒ताः । ए॒ता व्या॒हतीः । व्या॒हतीः पु॒रोनु॒वाक्या॒याम् । व्या॒हती॒रिति॑
 वि – आ॒हतीः । पु॒रोनु॒वाक्या॒याम् द॒ध्यात् । पु॒रोनु॒वाक्या॒यामिति॑
 पु॒रः-अ॒नुवा॒क्या॒याम् । द॒ध्याद् भ्रा॒तृव्य॑दे॒वत्या । भ्रा॒तृव्य॑दे॒वत्या वै ।
 भ्रा॒तृव्य॑दे॒वत्येति॑ भ्रा॒तृव्य – दे॒वत्या । वै पु॒रोनु॒वाक्या । पु॒रोनु॒वाक्या
 भ्रा॒तृव्यम् । पु॒रोनु॒वाक्येति॑ पु॒रः – अ॒नुवा॒क्या । भ्रा॒तृव्यमे॒व ।

ए॒वास्य॑ । अ॒स्य य॒ज्ञस्य॑ । य॒ज्ञस्या॒शीः । 36 (50/62)

T.S.1.6.10.5 - Kramam

आ॒शीर् ग॒च्छति॑ । आ॒शीरि॒त्या – शीः॑ । ग॒च्छति॑ या॒न् ।
 या॒न् का॒मये॑त । का॒मये॑त य॒जमा॒नान् । य॒जमा॒नान्त् स॒माव॑ती ।
 स॒माव॑त्ये॒नान् । ए॒नान् य॒ज्ञस्य॑ । य॒ज्ञस्या॒शीः । आ॒शीर् ग॒च्छेत् ।
 आ॒शीरि॒त्या – शीः॑ । ग॒च्छेदि॒ति । इति॑ तेषा॒म् । तेषा॒मेताः॑ । ए॒ता
 व्या॒हतीः । व्या॒हतीः पु॒रोनु॒वाक्या॒याः । व्या॒हती॒रिति॑ वि – आ॒हतीः ।
 पु॒रोनु॒वाक्या॒या अ॒र्द्धर्चे॑ । पु॒रोनु॒वाक्या॒या इति॑
 पु॒रः – अ॒नुवा॒क्या॒याः । अ॒र्द्धर्च॑ ए॒काम् । अ॒र्द्धर्च॑ इत्य॒र्द्ध – ऋ॒चे ।
 ए॒काम् द॒ध्यात् । द॒ध्याद् या॒ज्यायै॑ । या॒ज्यायै॑ पु॒रस्ता॑त् ।

पुरस्तादे॒काम् । ए॒कां॑ या॒ज्यायाः॑ । या॒ज्याया॑ अ॒र्द्धर्चे॑ । अ॒र्द्धर्च॑
 ए॒काम् । अ॒र्द्धर्च॑ इत्य॒र्द्ध - ऋ॒चे । ए॒काम्॑ त॒था । तथै॑नान् । ए॒नान्त्
 समा॑वती । समा॑वती य॒ज्ञस्य॑ । य॒ज्ञस्या॑शीः । आ॒शीर् ग॑च्छति ।
 आ॒शीरि॒त्या - शीः॑ । ग॑च्छति य॒था । य॒था वै । वै पर्ज॑न्यः । पर्ज॑न्यः
 सुवृ॑ष्टम् । सुवृ॑ष्टं व॒र्षति॑ । सुवृ॑ष्टमि॒ति सु - वृ॑ष्टम् । व॒र्षत्ये॒वम् ।
 एवं॑ य॒ज्ञः । य॒ज्ञो य॑ज॒मानाय॑ । य॑ज॒मानाय॑ व॒र्षति॑ । व॒र्षति॑
 स्थ॒लया॑ । स्थ॒लयो॑दकम् । उ॒दकम्॑ परिगृ॒ह्णन्ति॑ ।
 परिगृ॒ह्णन्त्या॑शिषा । परिगृ॒ह्णन्ती॑ति परि - गृ॒ह्णन्ति॑ । आ॒शिषा॑ य॒ज्ञम् ।
 आ॒शिषेत्या॑ - शिषा॑ । य॒ज्ञं य॑ज॒मानः॑ । य॑ज॒मानः॑ परि । परि॑ गृ॒ह्णाति॑ ।
 गृ॒ह्णाति॑ मनः॑ । मनो॑ऽसि । अ॒सि प्रा॒जाप॑त्यम् । प्रा॒जाप॑त्यम् मन॑सा ।
 प्रा॒जाप॑त्यमि॒ति प्रा॒जा - प॑त्यम् । 37 (50/61)

T.S.1.6.10.6 - Kramam

मन॑सा मा । मा भू॒तेन॑ । भू॒तेना॑ । आ वि॒श । वि॒शेति॑ । इ॒त्याह॑ ।
 आ॒ह मनः॑ । मनो॑ वै । वै प्रा॒जाप॑त्यम् । प्रा॒जाप॑त्यम् प्रा॒जाप॑त्यः ।
 प्रा॒जाप॑त्यमि॒ति प्रा॒जा - प॑त्यम् । प्रा॒जाप॑त्यो य॒ज्ञः । प्रा॒जाप॑त्य इति॑
 प्रा॒जा - प॑त्यः । य॒ज्ञो मनः॑ । मन॑ ए॒व । ए॒व य॒ज्ञम् । य॒ज्ञमा॑त्मन् ।

आ॒त्मन् ध॑त्ते । ध॒त्ते वाक् । वा॒गसि॑ । अ॒स्यै॒न्द्री । ऐ॒न्द्री स॑प॒न्नक्ष॑यणी ।
 स॑प॒न्नक्ष॑यणी वा॒चा । स॑प॒न्नक्ष॑यणीति स॑प॒न्न – क्ष॑यणी । वा॒चा मा॑ ।
 मे॒न्द्रिये॑ण । इ॒न्द्रिये॑णा । आ वि॒श । वि॒शेति॑ । इ॒त्याह॑ । आ॒है॒न्द्री ।
 ऐ॒न्द्री वै । वै वाक् । वाग् वा॒चम् । वा॒चमे॒व । ए॒वै॒न्द्रीम् ।
 ऐ॒न्द्रीमा॒त्मन् । आ॒त्मन् ध॑त्ते । ध॒त्त इति॑ ध॒त्ते ॥ 38 (36/39)

(ते॒नै-व॑ ब्र॒ह्म- रा॒ष्ट्र-मे॒वास्य॑ य॒ज्ञस्य॑-प्रा॒जाप॑त्य॒-
 ष॒ट्त्रिं॑श॒च्च) (A10)

T.S.1.6.11.1 - Kramam

यो॒ वै । वै स॑प्तद॒शम् । स॑प्तद॒शम् प्र॒जाप॑तिम् । स॑प्तद॒शमि॑ति
 स॑प्त – द॒शम् । प्र॒जाप॑तिं य॒ज्ञम् । प्र॒जाप॑तिमि॑ति प्र॒जा – प॑तिम् ।
 य॒ज्ञम॑न्वाय॒त्तम् । अ॒न्वाय॑त्तं वे॒द । अ॒न्वाय॑त्तमि॒त्यनु॑ – आ॒य॑त्तम् । वे॒द
 प्र॑ति । प्र॑ति य॒ज्ञेन॑ । य॒ज्ञेन॑ तिष्ठ॒ति । तिष्ठ॒ति न । न य॒ज्ञात् । य॒ज्ञाद्
 भ्र॑श॒ते । भ्र॑श॒त आ॑ । आ श्रा॒वय॑ । श्रा॒वये॑ति । इति॑ च॒तुर॑क्ष॒रम् ।
 च॒तुर॑क्ष॒रम॑स्तु । च॒तुर॑क्ष॒रमि॑ति च॒तुः – अ॒क्ष॒रम् । अ॑स्तु श्रौष॒ट् ।
 श्रौष॒डि॑ति । इति॑ च॒तुर॑क्ष॒रम् । च॒तुर॑क्ष॒रं य॒ज ।

चतुरक्षरमिति चतुः - अक्षरम् । यजेति । इति द्व्यक्षरम् । द्व्यक्षरं
 ये । द्व्यक्षरमिति द्वि - अक्षरम् । ये यजामहे । यजामह इति ।
 इति पञ्चाक्षरम् । पञ्चाक्षरम् द्व्यक्षरः । पञ्चाक्षरमिति
 पञ्च - अक्षरम् । द्व्यक्षरो वषट्कारः । द्व्यक्षर इति द्वि-अक्षरः ।
 वषट्कार एषः । वषट्कार इति वषट् - कारः । एष वै ।
 वै सप्तदशः । सप्तदशः प्रजापतिः । सप्तदश इति सप्त - दशः ।
 प्रजापतिर् यज्ञम् । प्रजापतिरिति प्रजा - पतिः । यज्ञमन्वायत्तः ।
 अन्वायत्तो यः । अन्वायत्त इत्यनु - आयत्तः । य एवम् । एवं वेद ।
 वेद प्रति । प्रति यज्ञेन । यज्ञेन तिष्ठति । तिष्ठति न । न यज्ञात् ।
 यज्ञाद् भ्र॑शते । भ्र॑शते यः । यो वै । वै यज्ञस्य । यज्ञस्य
 प्रायणम् । प्रायणम् प्रतिष्ठाम् । प्रायणमिति प्र - अयनम् ।
 प्रतिष्ठामुदयनम् । प्रतिष्ठामिति प्रति - स्थाम् । 39 (50/64)

T.S.1.6.11.2 - Kramam

उदयनं वेद । उदयनमित्युत् - अयनम् । वेद प्रतिष्ठितेन ।
 प्रतिष्ठितेनारिष्टेन । प्रतिष्ठितेनेति प्रति - स्थितेन । अरिष्टेन यज्ञेन ।
 यज्ञेन स॒स्थाम् । स॒स्थाम् गच्छति । स॒स्थामिति सम्-स्थाम् ।

गच्छत्या । आ श्रावय । श्रावयास्तु । अस्तु श्रौषट् । श्रौषड् यज ।
यज ये । ये यजामहे । यजामहे वषट्कारः । वषट्कार एतत् ।
वषट्कार इति वषट् – कारः । एतद् वै । वै यज्ञस्य । यज्ञस्य
प्रायणम् । प्रायणमेषा । प्रायणमिति प्र – अयनम् । एषा प्रतिष्ठा ।
प्रतिष्ठैतत् । प्रतिष्ठेति प्रति – स्था । एतदुदयनम् । उदयनं यः ।
उदयनमित्युत् – अयनम् । य एवम् । एवं वेद । वेद प्रतिष्ठितेन ।
प्रतिष्ठितेनारिष्टेन । प्रतिष्ठितेनेति प्रति – स्थितेन । अरिष्टेन यज्ञेन ।
यज्ञेन स॒स्थाम् । स॒स्था गच्छति । स॒स्थामिति सम् – स्थाम् ।
गच्छति यः । यो वै । वै सूनृतायै । सूनृतायै दोहम् । दोहं वेद ।
वेद दुहे । दुह एव । एवैनाम् । एनां यज्ञः । यज्ञो वै । वै सूनृता ।
सूनृता । आ श्रावय । श्रावयेति । इत्या । ऐव । एवैनाम् ।

एनामहत् । अहदस्तु । अस्तु श्रौषट् । 40 (50/59)

T.S.1.6.11.3 - Kramam

श्रौषडिति । इत्युपावासाक् । उपावासाग् यज ।
उपावासागित्युप – अवासाक् । यजेति । इत्युत् । उदनैषीत् ।

अ॒नै॒षी॒द् ये । ये॒ य॒जाम॑हे । य॒जाम॑ह इति । इत्यु॒प । उ॒पा॒स॒दत् ।
 अ॒स॒द॒द् व॒षट्॒का॒रेण॑ । व॒षट्॒का॒रेण॑ दोग्धि । व॒षट्॒का॒रेणे॑ति
 व॒षट् - का॒रेण॑ । दोग्ध्ये॒षः । ए॒ष वै । वै सू॒नृता॑यै । सू॒नृता॑यै दौहः ।
 दौहो॒ यः । य ए॒वम् । ए॒वं वै॒द । वै॒द दु॒हे । दु॒ह ए॒व । ए॒वैना॑म् ।
 ए॒नाम् दे॒वाः । दे॒वा वै । वै स॒त्रम् । स॒त्रमा॑सत । आ॒स॒त तेषा॑म् ।
 तेषा॑म् दि॒शः । दि॒शोऽद॑स्यन् । अ॒द॒स्यन् ते । त ए॒ताम् । ए॒तामा॑र्द्राम् ।
 आ॒र्द्राम् प॒ङ्क्ति॑म् । प॒ङ्क्ति॑मपश्यन् । अ॒प॒श्यन्ना । आ श्रा॒वय॑ ।
 श्रा॒वये॑ति । इति॑ पु॒रोवा॑तम् । पु॒रोवा॑तम॒जन॑यन् । पु॒रोवा॑तमिति॑
 पु॒रः-वा॑तम् । अ॒ज॒न॒य॒न्नु । अ॒स्तु श्रौ॑षट् । श्रौ॑षडिति । इत्य॒भ्रम् ।
 अ॒भ्रꣳ स॒म् । स॒मप्ला॑वयन् । अ॒प्ला॑वयन् । य॒ज । य॒जेति॑ । इति॑
 वि॒द्युत॑म् । वि॒द्युत॑म॒जन॑यन् । वि॒द्युत॑मिति॑ वि - द्यु॒तम् । 41 (50/54)

T.S.1.6.11.4 - Kramam

अ॒ज॒न॒य॒न् ये॒ । ये॒ य॒जाम॑हे । य॒जाम॑ह इति । इति॑ प्र । प्रा॒वर्ष॑यन् ।
 अ॒वर्ष॑यन्नाभि । अ॒भ्य॑स्तनयन् । अ॒स्त॒न॒य॒न् व॒षट्॒का॒रेण॑ ।
 व॒षट्॒का॒रेण॑ ततः । व॒षट्॒का॒रेणे॑ति व॒षट् - का॒रेण॑ । ततो॒ वै ।

वै ते॒भ्यः । ते॒भ्यो दि॒शः । दि॒शः प्र । प्रा॒प्याय॑न्त । अप्याय॑न्त यः ।
 य ए॒वम् । ए॒वं वै॑द । वे॒द प्र । प्रा॒स्मै । अ॒स्मै दि॒शः । दि॒शः
 प्याय॑न्ते । प्याय॑न्ते प्रजा॑पतिम् । प्रजा॑पतिम् त्वो॒वेद॑ । प्रजा॑पतिमि॒ति
 प्रजा॑ – पति॒म् । त्वो॒वेद॑ प्रजा॑पतिः । त्वो॒वेदे॑ति त्वः – वे॒द ।
 प्रजा॑पति स्त्वम्॑वेद । प्रजा॑पतिरि॒ति प्रजा॑ – पतिः । त्वम्॑वेद यम् ।
 त्वम्॑वेदे॑ति त्वम् – वे॒द । यम् प्रजा॑पतिः । प्रजा॑पतिर् वे॒द ।
 प्रजा॑पतिरि॒ति प्रजा॑ – पतिः । वे॒द सः । स पु॒ण्यः । पु॒ण्यो भव॑ति ।
 भव॑त्येषः । ए॒ष वै । वै छ॒न्दस्यः । छ॒न्दस्यः प्रजा॑पतिः ।
 प्रजा॑पतिरा । प्रजा॑पतिरि॒ति प्रजा॑ – पतिः । आ श्राव॑य । श्राव॑यास्तु ।
 अस्तु॑ श्रौष॑ट् । श्रौष॑ङ् यज । यज॑ ये । ये यजा॑महे । यजा॑महे
 वष॑ट्कारः । वष॑ट्कारो यः । वष॑ट्कार इति वष॑ट् – का॒रः ।
 य ए॒वम् । ए॒वं वै॑द । वे॒द पु॒ण्यः । पु॒ण्यो भव॑ति । भव॑ति वस॑न्तम् ।
 वस॑न्तमृ॒तूनाम् । 42 (50/58)

T.S.1.6.11.5 - Kramam

ऋ॒तूना॑म् प्री॒णामि॑ । प्री॒णामी॑ति । इ॒त्या॒ह । आ॒हर्त॑वः । ऋ॒तवो॑ वै ।
 वै प्र॒याजाः॑ । प्र॒याजा॑ ऋ॒तून् । प्र॒याजा॑ इति॑ प्र - या॒जाः । ऋ॒तूने॑व ।
 ए॒व प्री॑णाति । प्री॒णाति॑ ते । ते॒ऽस्मै॑ । अ॒स्मै प्री॑ताः । प्री॒ता य॑थापूर्वम् ।
 य॑थापूर्वम् क॒ल्पन्ते॑ । य॑थापूर्वमि॒ति य॑था-पूर्वम् । क॒ल्पन्ते॑ क॒ल्पन्ते॑ ।
 क॒ल्पन्ते॑ऽस्मै॑ । अ॒स्मा ऋ॒तवः॑ । ऋ॒तवो॑ यः । य ए॒वम् । ए॒वं वै॑द ।
 वे॒दाग्नी॑षोमयोः । अ॒ग्नीषो॑मयो॒रह॑म् । अ॒ग्नीषो॑मयो॒रित्य॑ग्नी-सोमयोः ।
 अ॒हम् दे॒वय॑ज्यया॑ । दे॒वय॑ज्यया॑ चक्षु॒ष्मान् । दे॒वय॑ज्ययेति॑
 दे॒व - य॑ज्यया॑ । चक्षु॒ष्मान् भू॒यास॑म् । भू॒यास॑मि॒ति । इ॒त्या॒ह ।
 आ॒हाग्नी॑षोमा॒भ्याम् । अ॒ग्नीषो॑मा॒भ्यां वै॑ ।
 अ॒ग्नीषो॑मा॒भ्यामित्य॑ग्नी - सोमा॒भ्याम् । वै य॑ज्ञः । य॑ज्ञश्चक्षु॒ष्मान् ।
 चक्षु॒ष्मान् ता॒भ्याम् । ता॒भ्यामे॒व । ए॒व चक्षुः॑ । चक्षु॒रात्म॑न् ।
 आ॒त्मन् ध॑त्ते । ध॒त्तेऽग्नेः॑ । अ॒ग्नेर॑हम् । अ॒हम् दे॒वय॑ज्यया॑ ।
 दे॒वय॑ज्यया॑ ऽन्ना॒दः । दे॒वय॑ज्ययेति॑ दे॒व-य॑ज्यया॑ । अ॒न्नादो॑ भू॒यास॑म् ।
 अ॒न्नाद॑ इत्य॒न्न - अ॒दः । भू॒यास॑मि॒ति । इ॒त्या॒ह । आ॒हाग्निः॑ ।

अ॒ग्नि॒र् वै । वै दे॒वाना॑म् । दे॒वाना॑मन्नादः । अन्नादस्तेन ।

अन्नाद इत्यन्न – अदः । तेनैव ए॒वान्नाद्य॑म् । 43 (50/57)

T.S.1.6.11.6 - Kramam

अन्नाद्य॑मात्मन् । अन्नाद्य॑मित्यन्न – अद्य॑म् । आ॒त्मन् ध॑त्ते । ध॒त्ते
द॒ब्धिः । द॒ब्धिर॑सि । अ॒स्यद॑ब्धः । अद॑ब्धो भू॒यास॑म् । भू॒यास॑म॒मुम् ।

अ॒मुम् द॑भेयम् । द॒भेय॑मिति । इत्या॑ह । आ॒हैत॑या । ए॒तया॑ वै ।

वै द॒ब्ध्या । द॒ब्ध्या दे॒वाः । दे॒वा अ॑सुरान् । अ॒सुरा॑नद॒भ्नुव॑न् ।

अद॑भ्नुवन् तया । तयै॒व । ए॒व भ्रा॑तृव्यम् । भ्रा॑तृव्यम् द॒भ्नो॑ति ।

द॒भ्नो॑त्यग्नीषो॒मयोः॑ । अ॒ग्नीषो॒मयो॑रहम् ।

अ॒ग्नीषो॒मयो॑रित्यग्नी – सो॒मयोः॑ । अ॒हम् दे॑वयज्यया ।

दे॒वय॑ज्यया वृ॒त्रहा॑ । दे॒वय॑ज्ययेति दे॒व – य॑ज्यया । वृ॒त्रहा॑ भू॒यास॑म् ।

वृ॒त्रहे॑ति वृ॒त्र – हा॑ । भू॒यास॑मिति । इत्या॑ह । आ॒हाग्नी॑षोमा॒भ्याम् ।

अ॒ग्नीषो॒माभ्यां॑ वै । अ॒ग्नीषो॒माभ्या॑मित्यग्नी – सो॒माभ्या॑म् ।

वा इन्द्रः॑ । इन्द्रो॑ वृ॒त्रम् । वृ॒त्रम॑हन् । अ॒हन् ता॑भ्याम् । ता॒भ्यामे॒व ।

ए॒व भ्रा॑तृव्यम् । भ्रा॑तृव्यं स्तृ॒णुते॑ । स्तृ॒णुत॑ इन्द्रा॒ग्नियोः॑ ।

इन्द्रा॒ग्नियो॒रहम् । इन्द्रा॒ग्नियो॒रितीन्द्र॑-अ॒ग्नियोः॑ । अ॒हम् दे॒वय॒ज्यया॑ ।
 दे॒वय॒ज्ययेन्द्रि॑यावी । दे॒वय॒ज्ययेति॑ दे॒व - य॒ज्यया॑ । इन्द्रि॑याव्यन्नादः ।
 अन्नादो॑ भूयासम् । अन्नाद॑ इत्यन्न - अदः । भूयासमि॑ति । इत्याह ।
 आ॒हेन्द्रि॑यावी । इन्द्रि॑याव्येव । ए॒वान्नादः॑ । अन्नादो॑ भवति ।
 अन्नाद॑ इत्यन्न - अदः । भवतीन्द्र॑स्य । इन्द्र॑स्याहम् । 44 (50/59)

T.S.1.6.11.7 - Kramam

अ॒हम् दे॒वय॒ज्यया॑ । दे॒वय॒ज्ययेन्द्रि॑यावी । दे॒वय॒ज्ययेति॑
 दे॒व - य॒ज्यया॑ । इन्द्रि॑यावी भूयासम् । भूयासमि॑ति । इत्याह ।
 आ॒हेन्द्रि॑यावी । इन्द्रि॑याव्येव । ए॒व भवति॑ । भवति॑ महेन्द्र॑स्य ।
 महेन्द्र॑स्याहम् । महेन्द्र॑स्येति॑ महा - इन्द्र॑स्य । अ॒हम् दे॒वय॒ज्यया॑ ।
 दे॒वय॒ज्यया॑ जे॒मानम् । दे॒वय॒ज्ययेति॑ दे॒व - य॒ज्यया॑ ।
 जे॒मानम् म॒हिमानम्॑ । म॒हिमानम्॑ गमे॒यम् । गमे॒यमि॑ति । इत्याह ।
 आ॒ह जे॒मानम् । जे॒मानमे॒व । ए॒व म॒हिमानम्॑ । म॒हिमानम्॑ गच्छति ।
 गच्छ॑त्यग्नेः । अ॒ग्नेः स्विष्ट॑कृतः । स्विष्ट॑कृतोऽहम् ॥ स्विष्ट॑कृत इति॑
 स्विष्ट॑ - कृतः । अ॒हम् दे॒वय॒ज्यया॑ । दे॒वय॒ज्यया॑ ऽऽयुष्मान् ।
 दे॒वय॒ज्ययेति॑ दे॒व - य॒ज्यया॑ । आ॒युष्मान् य॒ज्ञेन॑ । य॒ज्ञेन॑ प्रतिष्ठाम् ।

प्रति॒ष्ठाम् ग॒मे॒यम् । प्रति॒ष्ठामि॒ति प्रति॒-स्था॒म् । ग॒मे॒यमि॒ति । इ॒त्याह॑ ।

आहा॒युः । आ॒यु॒रे॒व । ए॒वा॒त्मन् । आ॒त्मन् ध॑त्ते । ध॒त्ते प्रति॑ ।

प्रति॑ य॒ज्ञेन॑ । य॒ज्ञेन॑ तिष्ठति । तिष्ठ॑तीति तिष्ठति ॥ 45 (38/44)

(प्रति॒ष्ठा-म॒हद॒स्तु-वि॒द्युतं॑-व॒सन्तं॑-ते॒नै॒वे-न्द्र॑स्या-

ऽष्टा॒त्रिं॒शच्च॑) (A11)

T.S.1.6.12.1 - Kramam

इन्द्रं॑ वः । वो॒ विश्व॑तः । विश्व॑तस्परि॑ । परि॑ ह॒वाम॑हे । ह॒वाम॑हे

जने॑भ्यः । जने॑भ्य इति॑ जने॑भ्यः ॥ अ॒स्माक॑मस्तु । अस्तु॑ के॒वलः ।

के॒वल इति॑ के॒वलः ॥ इन्द्र॑म् नरः । नरो॑ ने॒मधि॑ता । ने॒मधि॑ता हवन्ते॑ ।

ने॒मधि॑तेति॑ ने॒म - धि॒ता । हवन्ते॑ यत् । यत् पा॒र्याः॑ । पा॒र्या यु॑नजते॑ ।

यु॑नजते॑ धि॒यः । धि॒यस्ताः॑ । ता इति॑ ताः ॥ शू॒रो नृ॑षा॒ता । नृषा॒ता

श॒वसः॑ । नृषा॒तेति॑ नृ - सा॒ता । श॒वसश्च॑का॒नः । च॒का॒न आ॑ ।

आ गो॑मति । गो॑मति व्र॒जे । गो॑मतीति॑ गो - मति॑ । व्र॒जे भ॒ज । भ॒जा

त्वम् । त्वम् नः॑ । न इति॑ नः ॥ इन्द्रि॑याणि श॒तक्र॑तो । श॒तक्र॑तो या ।

श॒तक्र॑तो इति॑ श॒त - क्र॑तो । या ते॑ । ते॑ जने॑षु । जने॑षु पञ्च॑सु ।

पञ्चस्विति पञ्च - सु ॥ इन्द्र तानि । तानि ते । त आ । आ वृणे ।
 वृण इति वृणे ॥ अनु ते । ते दायि । दायि महे । मह इन्द्रियाय ।
 इन्द्रियाय सत्रा । सत्रा ते ॥ ते विश्वम् । विश्वमनु । अनु वृत्रहत्ये ।
 वृत्रहत्य इति वृत्र - हत्ये ॥ अनु क्षत्रम् । 46 (50/54)

T.S.1.6.12.2 - Kramam

क्षत्रमनु । अनु सहः । सहो यजत्र । यजत्रेन्द्र । इन्द्र देवेभिः ।
 देवेभिरनु । अनु ते । ते नृषह्ये । नृषह्य इति नृ-सह्ये ॥ आ यस्मिन् ।
 यस्मिन् सप्त । सप्त वासवाः । वासवास्तिष्ठन्ति । तिष्ठन्ति स्वारुहः ।
 स्वारुहो यथा । स्वारुह इति स्व - रुहः । यथेति यथा ॥ ऋषिर्ह ।
 ह दीर्घश्रुत्तमः । दीर्घश्रुत्तम इन्द्रस्य । दीर्घश्रुत्तम इति
 दीर्घश्रुत्-तमः । इन्द्रस्य घर्मः । घर्मो अतिथिः । अतिथिरित्यतिथिः ॥
 आमासु पक्वम् । पक्वमैरयः । ऐरय आ । आ सूर्यम् । सूर्यं
 रोहयः । रोहयो दिवि । दिवीति दिवि ॥ घर्मम् न । न सामन् ।
 सामन् तपत । तपता सुवृक्तिभिः । सुवृक्तिभिर् जुष्टम् ।
 सुवृक्तिभिरिति सुवृक्ति - भिः । जुष्टम् गिर्वणसे । गिर्वणसे गिरः ।
 गिर इति गिरः ॥ इन्द्रमित् । इद् गाथिनः । गाथिनो बृहत् ।

बृ॒हदिन्द्र॑म् । इन्द्र॑मर्के॒भिः । अ॒र्केभिर॑र्किणः । अ॒र्किण॑ इत्य॒र्किणः ॥
 इन्द्रं॑ वा॒णीः । वा॒णीर॑नूष॒त । अ॒नूष॑तेत्य॒नूष॑त ॥ गा॒यन्ति॑ त्वा ।
 त्वा गा॒य॒त्रिणः॑ । गा॒य॒त्रिणो॑ ऽर्च॒न्ति । 47 (50/53)

T.S.1.6.12.3 - Kramam

अ॒र्च॒न्त्य॒र्कम् । अ॒र्कम॑र्किणः । अ॒र्किण॑ इत्य॒र्किणः ॥ ब्र॒ह्माण॑स्त्वा ।
 त्वा श॒त॒क्र॒तो । श॒त॒क्र॒त॒ उत् । श॒त॒क्र॒त॒विति॑ श॒त-क्र॒तो । उद्
 व॒ञ्श॑म् । व॒ञ्श॑मिव । इ॒व ये॑मिरे । ये॒मिर॑ इति॒ येमि॑रे ॥ अ॒ञ्होमु॑चे
 प्र । अ॒ञ्होमु॑चइत्य॒ञ्हः – मु॒चे । प्र भ॑रेम । भ॒रेमा॑ म॒नीषाम् ।
 म॒नीषा॑मोषिष्ठ॒दाव्.न्ने॑ । ओषिष्ठ॒दाव्.न्ने॑ सु॒मति॑म् । ओषिष्ठ॒दाव्.न्ने॑
 इत्यो॑षिष्ठ – दाव्.न्ने॑ । सु॒मतिं॑ गृ॒णानाः॑ । सु॒मति॑मिति॒ सु – म॒तिम् ।
 गृ॒णाना॑ इति॒ गृ॒णानाः॑ । इ॒दमिन्द्र॑ । इन्द्र॑ प्रति॒ । प्रति॑ ह॒व्यम् ।
 ह॒व्यम् गृ॑भाय । गृ॒भाय॑ स॒त्याः । स॒त्याः स॑न्तु । स॒न्तु य॑ज॒मान॑स्य ।
 य॑ज॒मान॑स्य का॒माः । का॒मा इति॑ का॒माः ॥ वि॒वेष॑ यत् । यन्मा॑ ।
 मा धि॒षणा॑ । धि॒षणा॑ ज॒जान॑ । ज॒जान॑स्त॒वै । स्त॒वै पु॒रा ।
 पु॒रा पा॒र्यात् । पा॒र्यादिन्द्र॑म् । इन्द्र॑म॒हः । अ॒ह इत्य॑हः ॥

अ॒ह॒सो॒ यत्र॑ । यत्र॑ पी॒पर॒त् । पी॒पर॒द् यथा॑ । यथा॑ नः॑ । नो॒ ना॒वा ।
 ना॒वे॒व । इ॒व या॒न्त॒म् । या॒न्त॒मु॒भये॑ । उ॒भये॑ ह॒वन्ते॑ ।
 ह॒वन्त॑ इति॑ ह॒वन्ते॑ ॥ प्र॒ स॒म्राज॑म् । स॒म्राज॑म् प्र॒थम॑म् ।
 स॒म्राज॑मि॒ति स॒म् – रा॒जम् । प्र॒थम॑ म॒द॒ध्व॒राणा॑म् ।
 अ॒द॒ध्व॒राणा॑ म॒हो॒मुच॑म् । 48 (50/55)

T.S.1.6.12.4 - Kramam

अ॒हो॒मुचं॑ वृ॒षभ॑म् । अ॒हो॒मुच॑मि॒त्यहः॑ – मु॒चम् ।
 वृ॒षभं॑ य॒ज्ञिया॑नाम् । य॒ज्ञिया॑नामि॒ति य॒ज्ञिया॑नाम् ॥ अ॒पाम् न॒पात॑म् ।
 न॒पात॑म॒श्विना॑ । अ॒श्विना॑ ह॒यन्त॑म् । ह॒यन्त॑म॒स्मिन् । अ॒स्मिन् न॒रः ।
 न॒र इ॒न्द्रि॒यम् । इ॒न्द्रि॒यम् ध॑त्तम् । ध॑त्तमो॒जः । ओ॒ज इ॒त्यो॒जः ॥
 वि॒ नः । न॒ इ॒न्द्र । इ॒न्द्रमृ॑धः । मृ॒धो ज॑हि । ज॒हि नी॒चा ।
 नी॒चा य॑च्छ । य॒च्छ पृ॒तन्य॑तः । पृ॒तन्य॑त इति॑ पृ॒तन्य॑तः ॥
 अ॒ध॒स्प॒दम् त॑म् । अ॒ध॒स्प॒दमि॒त्यधः॑ – प॒दम् । त॒मीम् । ई॒म् कृ॒धि ।
 कृ॒धि यः॑ । यो॒ अ॒स्मान् । अ॒स्मा॒ अभि॑दा॒सति॑ ।
 अ॒भिदा॑स॒तीत्य॑भि – दा॒सति॑ ॥ इ॒न्द्र क्ष॑त्रम् । क्ष॒त्रम॑भि ।
 अ॒भि वा॒मम् । वा॒ममो॑जः । ओ॒जो॒जाय॑थाः । अ॒जाय॑था वृ॒षभ॑ ।

वृ॒षभ॑ च॒र्ष॒णी॒नाम् । च॒र्ष॒णी॒नामि॑ति च॒र्ष॒णी॒नाम् ॥ अ॒पा॒नु॒दः ।
 अ॒नु॒दो॒ जन॑म् । ज॒न॒म॒मि॒त्र॒य॒न्त॑म् । अ॒मि॒त्र॒य॒न्त॑मु॒रुम् ।
 अ॒मि॒त्र॒य॒न्त॑मि॒त्य॒मि॒त्र – य॒न्त॑म् । उ॒रुम् दे॒वेभ्यः॑ । दे॒वेभ्यो॑ अ॒कृ॒णोः ।
 अ॒कृ॒णो॒रु । उ॒ लो॒कम् । लो॒कमि॑ति लो॒कम् ॥ मृ॒गो न । न भी॒मः ।
 भी॒मः कु॒चरः॑ । कु॒च॒रो गि॒रि॒ष्ठाः । गि॒रि॒ष्ठाः प॒रा॒वतः॑ ।
 गि॒रि॒ष्ठा इति॑ गि॒रि – स्थाः॑ । प॒रा॒वत॑ आ ।
 प॒रा॒वत॑ इति॑ प॒रा – वतः॑ । 49 (50/55)

T.S.1.6.12.5 - Kramam

आ ज॒गाम॑ । ज॒गामा॑ प॒र॒स्याः । प॒र॒स्या इति॑ प॒र॒स्याः ॥ सृ॒कञ्
 सञ्शाय॑ । सञ्शाय॑ प॒विम् । सञ्शायेति॑ स॒म्-शाय॑ । प॒विमि॑न्द्र ।
 इन्द्र॑ ति॒ग्मम् । ति॒ग्मं वि॑ । वि श॒त्रून् । श॒त्रून् ता॒ढि । ता॒ढि वि॑ ।
 वि मृ॒धः । मृ॒धो नु॒दस्व॑ । नु॒दस्वेति॑ नु॒दस्व॑ ॥ वि श॒त्रून् । श॒त्रून्
 वि । वि मृ॒धः । मृ॒धो नु॒द । नु॒द वि॑ । वि वृ॒त्रस्य॑ । वृ॒त्रस्य॑ ह॒नू ।
 ह॒नू रु॒ज । ह॒नू इति॑ ह॒नू । रु॒जेति॑ रु॒ज ॥ वि म॒न्युम् । म॒न्युमि॑न्द्र ।

इन्द्र॑भा॒मितः॑ । भा॒मितो॑ऽमि॒त्रस्य॑ । अ॒मि॒त्रस्या॑भि॒दास॑तः । अ॒भि॒दास॑त
इत्य॑भि - दा॒सतः॑ ॥ त्रा॒तार॑मिन्द्र॒म् । इन्द्र॑मवि॒तार॑म् । अ॒वि॒तार॑मिन्द्र॒म् ।
इन्द्र॑ꣳ हवे॑हवे । हवे॑हवे सु॒हव॑म् । हवे॑हव इति॑ हवे॑ - हवे॑ । सु॒हव॑ꣳ
शू॒रम् । सु॒हव॑मि॒ति सु - हव॑म् । शू॒रमिन्द्र॑म् । इन्द्र॑मि॒तीन्द्र॑म् ॥
हु॒वे नु॑ । नु॑ श॒क्रम् । श॒क्रम् पु॒रुहू॑तम् । पु॒रुहू॑तमिन्द्र॒म् । पु॒रुहू॑तमि॒ति
पु॒रुहू॑तम् । इन्द्र॑ꣳ स्व॒स्ति । स्व॒स्ति नः॑ । नो॑ म॒घवा॑ । म॒घवा॑ धातु ।
म॒घवे॑ति म॒घ - वा॑ । धा॒त्विन्द्रः॑ । इन्द्र॑ इतीन्द्रः॑ ॥ मा॒ ते॑ ।

ते॒ अस्या॑म् । अस्या॑ꣳ स॒हसा॑वन् । 50 (50/56)

T.S.1.6.12.6 - Kramam

स॒हसा॑वन् परि॒ष्टौ । स॒हसा॑वन्नि॒ति स॒हसा॑ - वन् । परि॒ष्टाव॑घाय ।
अ॒घाय॑ भू॒म । भू॒म ह॒रिवः॑ । ह॒रिवः॑ प॒रादै॑ । ह॒रिव॑ इति॑ ह॒रि - वः॑ ।
प॒रादा॑ इति॑ प॒रा - दै॑ ॥ त्रा॒यस्व॑ नः । नो॑ ऽवृ॒केभिः॑ । अ॒वृ॒केभिर्
व॒रूथैः॑ । व॒रूथै॑स्तव । तव॑ प्रि॒यासः॑ । प्रि॒यासः॑ सू॒रिषु॑ । सू॒रिषु॑
स्या॑म । स्या॑मेति॑ स्या॑म ॥ अ॒नव॑स्ते । ते॒ रथ॑म् । रथ॑मश्वा॒य । अश्वा॑य
तक्ष॑न् । तक्ष॑न् त्व॒ष्टा । त्व॒ष्टा व॒ज्रम् । व॒ज्रम् पु॒रुहू॑त । पु॒रुहू॑त
द्यु॒मन्त॑म् । पु॒रुहू॑तेति॑ पु॒रु - हू॒त । द्यु॒मन्त॑मि॒ति द्यु - मन्त॑म् ॥

प्रथम काण्डे – षष्ठः प्रश्नः – (TS 1.6)

ब्र॒ह्मा॒ण इ॒न्द्रम् । इ॒न्द्रम् म॒हय॑न्तः । म॒हय॑न्तो अ॒र्कैः । अ॒र्कैर॑वर्द्धयन् ।
अ॒वर्द्ध॑यन्नह॒ये । अ॒हये॑ ह॒न्तवै॑ । ह॒न्तवा॑ उ । उ वि॒त्यु ॥ वृ॒ष्णो य॑त् ।
य॒त्ते । ते॒ वृ॒षणः॑ । वृ॒षणो॑ अ॒र्कम् । अ॒र्कम॑र्चान् । अ॒र्चानि॑न्द्र ।
इ॒न्द्र ग्रा॑वाणः । ग्रा॒वाणो॑ अ॒दितिः॑ । अ॒दितिः॑ स॒जोषाः॑ । स॒जोषा॑ इति॑
स – जो॒षाः ॥ अ॒नश्वा॑सो ये । ये प॒वयः॑ । प॒वयो॑ऽर॒थाः । अ॒रथा॑
इ॒न्द्रे॑षिताः । इ॒न्द्रे॑षिता अ॒भ्यव॑र्तन्त । इ॒न्द्रे॑षिता इ॒तीन्द्र॑ – इ॒षिताः॑ ।
अ॒भ्यव॑र्तन्त द॒स्यून् । अ॒भ्यव॑र्तन्तेत्य॒भि – अ॒वर्त॑न्त ।

द॒स्यू॒निति॑ द॒स्यून् ॥ 51 (48/53)

(वृ॒त्रह॑त्ये॒ऽनु॑ – गाय॒त्रिणो॑ – ऽध्व॒राणां॑ – प॒राव॑तो – ऽस्या –
म॒ष्टाच॑त्वारि॒ंशच्च॑) (A12)

Prasna Korvai with starting Padams of 1 to 12 Anuvaakams :-

(सं॒त्वा॑ सि॒ञ्चामि॑-ध्रु॒वो॑-ऽस्य॒ग्नि॒र्मा॑-ब॒र्हि॒षो॒ऽह॑-मा॒ प्या॑यता-
मग॑न्म-यथा॒ वै-यो॒ वै श्र॑द्धां- प्र॒जाप॑तिर्य॒ज्ञान्-ध्रु॒वो॑सीत्या॒ह-यो॒ वै
सप्त॑दश-मि॒न्द्रं॑ वो॒-द्वाद॑श ।)

Korvai with starting Padams of 1, 11, 21 Series of Panchaatis :-

(सं॒त्वा॑-ब॒र्हि॒षो॒ऽहं॑-यथा॒ वा-ए॒वं वि॒द्वा-ञ्छ्रौ॑षट्थ-सा॒हसा॑व-
त्रैक॑पञ्चाशत् ।)

First and Last Padam of Sixth Prasnam:-

(सं॒त्वा॑ सि॒ञ्चामि॑ - दस्यू॒न् ।)

॥ हरिः॑ ओं ॥

॥ इति प्रथम काण्डे षष्ठः प्रश्नः - क्रम पाठः समाप्तः ॥

=====

प्रथम काण्डे – षष्ठः प्रश्नः – (TS 1.6)

Details of Panchati ,Padam and Krama Vaakyams for Kandam 1 —
Prasnam 6 – TS 1.6

	Panchati	Padams	Krama Vaakyams
Anuvakam 1	3	133	148
Anuvakam 2	4	186	226
Anuvakam 3	3	156	171
Anuvakam 4	4	194	235
Anuvakam 5	2	129	144
Anuvakam 6	4	185	217
Anuvakam 7	4	203	234
Anuvakam 8	4	211	239
Anuvakam 9	4	190	237
Anuvakam 10	6	286	346
Anuvakam 11	7	338	395
Anuvakam 12	6	298	326
Total →	51	2509	2918